



Purchased with special funds from the
HUMBERT AND JULIA TINSMAN GIFT
for the History of Science Collection



LINDA HALL LIBRARY
Kansas City, Missouri

Der G. 491. 2. 11
seiner Klammer keine Rundsäge =

(2)

**Elastischer Leim, welcher nicht in
Hrn. Sallement, Ba**

Durch die Vermischung mit
bend weich und elastisch gemacht,
mehr in Fäulniß übergehen. Die
dargestellt: man läßt Leim (Eiße
welches in einem Wasserbade erhi
so lange bis er ganz dick wird,
setzt, beiläufig das gleiche Gewicht
man rührt das Gemisch mit

cont. fol. 421. 12 $\frac{60}{62}$


*in Feuer-Schmelzen
dieser Lioma:*

20715/43


Kansas City, Missouri

MA999

1109







ÆGIDIÏ STRAUCH PROFESS.

WITTEBERG

ASTROGNOSIA

SYNOPTICE ET METHODICE
IN USUM ACADEMICUM
ADORNATA.

ADDITA SUNT ASTERISMORUM ET PLANETARUM
SCHEMATA

ÆREIS LAMINIS EXPRESSA. *M. J. Sch.*

VVITTEBERGÆ M. DC. LIX.

Sumptibus AUTORIS.

Literis JOBI VVILHELMIFINCELII.

CLARISSIMIS ET OMNIGENA ERUDITIONE PRÆSTANTISSIMIS
VIRIS-JUVENIBUS,
E LITERATORUM FOECUNDISSIMA MATRE

H O L S A T T I A
ORIUNDIS,

R.B.A.
QB41
S77
1659
ET IN ALMA VVITTEBERGENSI ACADEMIA
STUDIORUM GRATIA,

HODIE COMMORANTIBUS,

SPIRITUM JHOVÆ, SPIRITUM SAPIENTIÆ ET INTELLIGENTIÆ,
SPIRITUM CONSILII ET POTENTIÆ, SPIRITUM SCIENTIÆ
ET REVERENTIÆ JHOVÆ
EX ANIMO PRECOR!

UNiversa equidem Mathesis mirâ jucunditate & singulari utilitate

Admiratoribus suis se commendat, ut nemo hactenus inventus sit, quem pariter
tuerit huic studio nâ. Operam, est tamen & inter ipsas nobilissimas disciplinas
non exigua differenti hac, quod aliæ præstent aliis & altiori collocatæ sint grâ-
du. Quod si itaq; ASTROGNOSIAM spectemus, & objectum habet præstantissimū,
cæli nempe delicias, & ipsa hominum excellentia, quâ bestias anteceditur, ut
huic discipline demus operam, quodammodo nos admonet; verè n. Poeta cecinit:

Pronaq; cum spectent animalia cœtera terram,

Os homini sublime dedit, cœlumq; tueri

Iussit, & erectos ad sidera tollere vultus.

Quamvis autem pro Astrognostico studio ipsemet natura liber sufficere videatur,
explicatus omnibus, qvi oculorum gaudet acie; adjuvat tamen naturam ars, dum
qva confuse videbantur Stella, in classes quasdam distribuit, atq; ut memorie no-
stræ consulatur, certa addidit nomina; Imo cœlum ipsum in exigua charta vel alia
qvadam mole repræsentat, cujus ductus cœlestium corporum explicant ordines, &
inviolabiles motus sideris ostendunt leges. Commendatur præ reliquis in hac
arte

arte Archimedes Syracusanus, de quo Cicero testatur, quod stellarum motus in
sphaeram alligarit, effeceritq; idem, quod ille, qui in Timaeo Platonis mundum adi-
ficavit Deus, ut tarditate & celeritate dissimillimos motus una regeret conversio.
Extat de hoc ingenio Archimedis invento sequens apud Claudianum Epigram-
ma:

Jupiter in parvo cum cerneret aethera vitro,
Risit & ad superos talia dicta dedit:
Huccine mortalis progressa potentia curæ?
Jam meus in fragili luditur orbe labor.
Jura poli, rerumq; fidem, legesq; Deorum,
Ecce Syracusius transtulit arte Senex.
Inclusus variis famulatur Spiritus astris,
Et vivum certis motibus urget opus.
Percurrit proprium mentitus signifer annum,
Et simulata novo Cynthia mense redit.
Jamq; suum volvens audax industria mundum
Gaudet & humanâ sidera mente regit.

Qvid

Quid falso in fontem tonitru Salmonea miror?

Æmula naturæ parva reperta manus.

Enimvero Archimedis fructuosam industriam, (uti à Valer. Maximo eadem vocatur) nemo quidem imitari potest hodie, præsto tamen & nostrò & superioribus seculis fuerunt Artifices, quorum inventa commendationem quoque merentur. Ut de Gioborum confectoribus in præsentia taceam, edidit annò tertiò hujus seculi Johannes Bayerus Jurisconsultus Uranometriam, omnium asterisimorum continentem Schemata, singulari industriâ delineata non tantum, sed & æreis laminis accurate expressa. Secutus est Bayerum Wilhelmus Schickardus & editò Astroscopiò, compendiosam quædam ad cognoscenda sidera monstravit viam. Alii ab his diversam proposuerunt methodum, eandemque multiplicem; Quorum artificum inventa, uti magni pendo, ita tamen diffiteri non possum, pleraque ad discendum captum minus videri accommodata; illis n. breviter & perspicue res proponi debent. Quamobrem cum ab ineunte ætate Mathesin in pretio habuerim, eademque horas meas subscribas consecrarim, cœpi de Synopsi quædam Methodica, cuius beneficiò aditus ad jucundissimum hocce studium tractandum feliciter, fiat facili-

cilior, mecum cogitare, & cum animadvertere sine succincta hypothesis, quas
Astronomi supponunt, repetitione, negotium hoc perfici non posse, eadem primò
explicavi. Postea differentias stellarum & Asterismorum catalogum, cum Syno-
nymia eorundem & ἀναγνώσι Poetica, annotavi. De Planetis item, quantum
ad præsens facere negotium videbatur, aliquid dixi. Quibus omnibus per aphori-
smos compendiariò declaratis, Canones quosdam addidi, seu utilissima Problema-
ta, vel solò titulò se Lectoris commendantia. Deniq; Asterismorum imagines in
minori formâ ereis laminis, (quò ad id scripserat, absente Chalcographò, accuratis-
simè) exprimi curavi, quò omnis, ad observationes Astrorum instituendas necessa-
ria supellex in exiguo libello ad manus sit, & sine difficultate circumferri queat.

VOBIS autem, FLORENTISSIMI VIRI JUVENES, quod opu-
sculum hoc inscripserim, singularis illa amicitia, quæ mihi VOBISCUM interce-
dit, & studiorum societas me permovet; Tu quidem Clarissime Dne MARCE JO-
HANNES SIMONI, ConviCTOR Sævissimè, præter Jurisprudentiæ studium, cui,
felicissimè operam dedisti hætenus, & dignissimi in eâ arte Candidati ac quibisisti
titulû, Philosophicis quoq; literis, quarum gratiâ me Achatem Tibi elegisti, ita per
polivisti animum, ut Honoratissimi Parentis Tui, & totius Holsatiæ insigne decus


Te futurū esse, haud ex vano augurer. Neq̃ aliter de Vobis, Eruditissimi Domini,
Domine LUDENI, DN. HENNINGE, DN. GREEK/ DN. SCHRODERE, DN.
SYLVI, DN. BEECKEN/ & DNE RODINGE spe certā praesumere poterit, qui
sedulitatem Vestram benè novit, quā tum in aliis, tum in iis quibz Collegijs Theo-
logicis, quae me Praeside, in Vestrum imprimis usum, habita sunt, demonstrastis ab-
unde, ut laudē ingentē ob singulārē industriam Vestram & Ingenij praeclari dotes,
apud omnes Literarum Fautores sitis promeriti. Sed & Vos, Politiss. mi & Eximij,
DNE EBERS/ DNE HOJER, DNE BIESTER, & DNE UPSHOF/ amici-
tiam non vulgārē mecū contraxistis, à quo tempore Mathematicis, & aliis Philoso-
phicis Scholis, quae aperui hactenus, interesse VOBIS placuit. Quid de Tua nunc
Lectiōibus meis publicis & privatis strenuum Auditorē Te praebes, sed & Te totū
addixisti mihi, cum & Musēo eodē, eādēq̃. mensā mecum utaris? Certē ostendisti
nuper, non feriatos nos esse hucusq̃, sed literariam amicitiam esse. quae mihi Tecum
intercedit, quando de Catechumenis disputabas publicē, & praeclara indolis tuae
specimē exhibebas, ad quas primitias, ut uberrima sequatur messis, operam porro
dabimus. Vestra deniq̃, Clarissime DNE JOHANNES KUHN,

Florentissimum FRANTZIORUM par, PræEximii item DNE ab EIZEN & DNE
EHLERS, nec non reliqui apud nos commorantes HOLSATI, amicitia mecum à
Vobis exulta hactenus, *μνημόσυνοι* quoddam exigere videbatur, quod ob com-
munitatem literarum, literarium & ipsum esse conveniebat. Accipite itaq; omnes
& singuli eò animò libellū hunc, quò ille offertur VOBIS, benevolò scilicet & since-
rò, atq; certò persuasi estote, me INCLTÆ HOLSATORUM NATIONIS
favorem fore perpetuum. DEUM veneror ardentissimis precibus, ut PATRIÆ
Vestra exoptatam diu pacem, eandemq; perennem, FAMILIÆ cujusvis Vestrum
felicitatem abundantem, deniq; VOBIS ipsis ea omnia clementissimè concedat,
quæ literis consecrati vota esse possunt ! Ita precor

VESTRIS CLARISS. ET PRÆEXIM. PRÆSTANT.
multis nominibus devinctus

Dab. VVirteb. è Mus. meo KAL,
MAII, A, M. DC. LIX.

ÆGIDIUS STRAUCH,
S.S. THEOL. Lic. Hist. P.P.



CUM DEO.

ASTROGNOSIÆ PROOEMIUM.

Aphor. I. *Astrognosia est Scientia, quæ Stellarum
in cælo apparitionem & figuras explicat.*



Strognosiam dici ab objecto, quod astra sunt,
nominis etymon cuius indicat. Et si a. γινώσκειν ἀστέρας
in genere Astronomi munus sit, in præsentî tamen, dum
ad apparitionem & configurationē restringitur, quodam-
modo ab Astronomica Stellarum consideratione differt.
Cæterum utilitatem & necessitatem hujus Astrognostici Studii graviter
expli-

explicat *Nobilissimus Tycho*, Progymnasmm, L. 1. p. 304. atq; eos, qvi Astromiam ipsam non in cœlo, uti par erat, administrant, sed pagellis quibusdam, Tabulis atq; figuris sub tecto exercent, falsè exagitat.

Aph. 2. Ut ut autem more cœterarum disciplinarum, in partem generalem & specialem dividi posset, cum objectum ejus tot modis intellectui se contemplandum sistat, nobis tamen impræsentiarum methodo arbitrariâ uti placet, qvare Sectiones faciemus duas, in quarum priore Definitiones, in altera Canones, s. problemata, apprimè necessaria, adducemus.

SECTIO I.

Exhibens Definitiones, Aphorismis inclusas.

Aphor. 1. *Stelle* sunt corpora naturalia, simplicia, Lucida, qvam proximè

ximè globosa ac perpetuo mobilia, certis characteribus, s. notis à se invicem differentia.

Aphor. 2. Dividuntur vulgò in fixas & erraticas, utraq; autem sunt vel ordinaria, vel extraordinaria.

Aphor. 3. *Stellæ fixæ ordinariæ* sunt, quæ in cœlo ab initio mundi spectatæ fuerunt, in octavo orbe, seu regione cœli superiori moventur, & situm atq; ordinem eundem, eandem item à se invicem distantiam retinent. Inepta vero opinio est, quam J. Caramuel de stellis fixis habet, putans, Stellas fixas esse Solis speciem replicatam, vi refractionis factæ in A-plane. Neq; melior est, quam Antonius Maria Schyrlæus in Radio Sidero-mystico, non improbabilem esse censet, scil. Stellas esse partes Empyreï cœli, unde quaq; lucentis & flammei, sed per foramina inferioris cœli, aut partes ejus magis diaphanas nobis splendentes. Qvas ineptas sententias recensuisse est refutasse.

Aphor. 4. *Stellæ fixæ extraordinariæ* sunt, quæ extra ordinem, ad certum tempus saltem, vel de novo à Deo creantur, vel conspicuæ redduntur, vel aliâ quâdam ratione producuntur, & in superiori ætheris regione, seu stellarum fixarum sede, mobiles, habitudinem ad stellæ fixas eandem semper retinent.

Talis fuit, quæ anno 1572. in Cassiopea apparere cœpit & Nobilissimo Tycho Braheo *creberrimas observationes astrorum instituendi ansam dedit, quibus tota Astronomia feliciter restaurata est. Vide Progymnasmata ejusdem.*

Aph. 5. *Stellæ erraticæ ordinariæ, seu Planetæ* vocantur, quæ infra octavam Sphæram, ab initio mundi mobiles, suam ad se invicem & stellæ fixas quoq; habitudinem mutant.

De his Cicero rectè cecinit:

*Quæ verbò & falsis Grajorum vocibus errant,
Revera certò lapsū, statioq; feruntur.*

Ordinem

Ordinem vero Planetarum exprimere solent versu sequenti memoriali.

Post SIM SUM sequitur, ultima Luna subest.

Cæterum æstimantur Planetæ in cœlo stellato tanquàm Duces, ut benè Schickardus loquitur, quilibet enim Planeta tanquàm Dux in exercitu stellarum suos veluti subditos, coloris sui æmulos, habet; Fixæ liventes accensentur Saturno, claræ Jovi, ferrugineæ Marti, flavæ Soli, buxæ Veneri, cineritiæ Mercurio, pallidæ Lunæ, et si ex binis quasi commixtus color sit, quod plerumq; evenit, à duobus simul Planetis eadem stella fixa nomen habet.

Aphor. 6. *Stelle erratica extraordinariæ*, alias Cometæ, sunt, quæ extra ordinē ad certum tempus saltem, infra octavum orbem moventur, & habitudinem ac distantiam à cæteris stellis mutant. Tales 66 à resurrectione Christi usq; ad annum 1651. Dominus Harsdorf. numerat.

Distinguuntur, à stellis fixis extraordinariis (1) *variatione distantie à stellis fixis*, (2) *parallaxi*, (3) *cauda vel crinibus &c.*


Aphor. 7. Quia vero ordinis Sphærarum facta est mentio, notandum porro est, variare de hoc ordine Astronomorum sententias s. hypotheses, Et præ reliquis tres præstantissimorum Astronomorum, Ptolomæi, Copernici & Tychoonis hypotheses adducendæ sunt.

Aph. 8. *Hypothesis Ptolomæi*, quam in Libro μεγάλης συντάξεως, Seculo altero à nativitate Christi Alexandria propofuit, ita se habet: Terram assumfit loco centri, è quo Lunæ primùm, postea Mercurii; deinde Veneris, Solis, Martis, Jovis, Saturni, stellarum fixarum descripsit orbis. Nonum vero finxit ἀναστροφον pro circulis, quorum beneficio motus primus explicatur. Et hanc hypothesin Pythagoræ, Archimedis, Chaldaeorum, Ciceronis, Plinii, plurimòrum Arabum, Alphonsinorum, Purbachianorum &c. fuisse, refert Johannes Baptista Ricciolus in Almagesto Novo. *Vide Figuram Primam.*

Aph. 9. *Hypothesis Nicolai Copernici Thorunienfis*, quam ante
seculu-

Figur.

I.



Hypoth. Tychon.

Hyp. Pto

Hypoth Copernicea.

lomaica.



secundum d
solem, aut
curium, d
cum dicit
frem trinu
ro. Manu
qua prout
idem orb
summe re
silio de N
archum)
um vero c
sua. Sp
m us, ca 9
um fin, 241

seculum & quod excurrit proposuit, ita se habet. (1) Assumit locò centri Solem, eundemq; immobilem statuit, circa eum proximum locavit Mercurium, dein Venerem, postea terram cum elementari regione, cui motum diurnum, & annuam quoq; 365 dierum, & quod excedit, revolutionem tribuit. E terræ centro descripsit Lunæ orbem, E centro Solis vero, Martis, Jovis, Saturni & fixarum Sphæras, quarum ultimam immobilera prorsus statuit & tantò intervallò à Saturni orbe remotam, ut ad eandem orbis annuus terræ puncti instar se habeat. Acceptam ferunt communiter hypothesin hanc. *Aristarcho Samio*, de quo Archimedes in Libello de Numero arenæ ad Gelonem Regem scribit: *Apud eum* (Aristarchum) *Supponitur Stellæ, quæ non erant, & Solem immobilem manere, terram verò circa Solem ferri in circuli circumferentiam, quæ est in medio cursu situs. Sphæram vero Stellarum fixarum, circa idem centrum cum Sole sitam esse, ea vero magnitudine haberi, at circulus, circa quem positum est terram ferri, eam habeat proportionem ad Stellarum fixarum distantiam, quam*

habet centrum Sphære ad circumferentiam. Hæc Archimedes. Amplectuntur hypothesin hanc Keplerus, Lansbergius, Galileus, Renatus Cartesius, ejusdemq; æscholæ, quorum nonnulli, ut Christophorus Wittichius Scripturæ S. autoritatem ob id in dubium vocant, quod videatur huic hypothese adversa esse. Damnarunt autem eandem ut hæreticam Cardinales sub Paulo V. anno 1616 Romæ congregati, atq; quod sententiæ huic Galileus Galilei faverit, ab Inquisitoribus Generalibus anno 1633. coactus est, abjurare eandem, ipsum vero Galileum damnarunt ad formalem carcerem Inquisitionis, & titulo pœnitentiæ mandarunt eidem, ut tribus annis recitet semel in hebdomade septem Psalmos pœnitentiales &c: Vide Figur: Primam.

Aphor. 10. Hypothesis Tychoonis hæc est: Assumitur pro centro terra immobilis, e quo Lunæ primum, postea Solis quoq; orbes describuntur, & centro Solis autem delineantur Mercurij, & Veneris Sphæra, Martis item, quæ per Solis sphæram transit, postea Jovis & Saturni orbes & centro Solis quoq;

qvoq; describuntur. Deniq; Sphæram Stellarum fixarum Terræ concentricam esse assumitur ob defectum nempe parallaxeos & ne altitudo earundem Stellarum nimia æstimeretur. Videantur *Tycho* tom. I. Progym. p. 479. & t. 2. p. 189. *Petrus Gassendus*, aliiq; V. Figuram Primam.

Aphor. II. Ut ut autem duplicem stellarum motum physicè non asseramus, quin potius per motum Spiralem apparentes Siderum motus inæquales ac discordes salvare queamus, attamen cum motus Spiralis compositus sit, neq; ut talis tabellarum cancellis constringatur facile, necesse est, ut ordine doctrinæ, (quæ à notioribus, atq; iis quæ in sensus incurrunt incipit) de Primo mobili aliquid dicamus.

Aphor. 12. Resolvitur itaq; Spiralis ille Siderum motus in duos simplices, quorum alter primus, alter secundus vocatur: De hoc agemus alibi. De illo in præsentī.

Aphor. 13. Concipitur *motus primus* in Sphæra cælesti extrema, quam vulgo

vulgo nonam vocant, quæ utut Stellis non coruscat, suppleant tamen stellarum vices circuli, quibus *ἀναστροφῶς* orbis ille totus repletus est.

Aph. 14. *Circuli Astronomici sunt* entia rationis ratiocinata, seu tractus imaginarii & vestigia quasi, quæ Stellarum transitus post se relinquere videntur, & quorum beneficio motus primus stellarum demonstratur.

Aph. 15. Dividuntur Primò in maximos & minimos.

Aph. 16. *Circuli Maximi* vocantur, qui circa centrum Sphæræ descripti ita eam ambiunt, ut ductu suo divisionem globi in duo æqualia segmenta monstrant.

Aph. 17. *Circuli minores* vocantur, qui Sphæræ centrum non ambiunt & ductu suo divisionem Globi in duo inæqualia segmenta monstrant.

Aphor. 18. Dividuntur secundò in mobiles atq; invariabiles, & mobiles atq; variabiles.

Aph.

Aph. 19. *Circuli mobiles* & invariables vocantur, quorum peripheria circa centrum suum moveri concipitur, quamvis pro varietate locorum ipsi non variant. Tales sunt *Æquator Zodiacus, Tropici* &c.

Aphor. 20. *Circuli immobiles* & variables sunt, qui ad motum Sphæræ non moventur, sed pro locorum varietate variare concipiuntur. Tales sunt *Meridianus, Horizon.* &c.

Aphor. 21. Porro & tertio circuli vulgò dividuntur in principales, & minus Principales.

Aph. 22. *Circuli Principales* vocantur, qui ad motus primi apparentias explicandas præprimis adhibentur, atq; ob usum suum in Sphæra materiali communiter depingi solent. Vid. figur. Primam.

Aphor. 23. *Circuli minus Principales* vocantur, qui in Sphæra materiali omittuntur quidem, quamvis per universam Astronomiam usum habent egregium.

Aphor. 24. *Æquator* est Circulus maximus, mobilis & variabilis,
undi-

undiquaq; à Polis mundi æquidistans, quem Sol motû propriô attingens, in Sphæra obliqua pariter & recta, noctem diei æqualem facit, in Parallela autem noctem diemve sex mensium dirimit, Poli ejusdem cum Polis mundi conincidunt.

Aphor. 25. Est autem Triplex Sphæra positus, polô mundi alterutro perpendiculariter elevatô *Parallelus*, Polis utrisq; Horizonti incumben-
tibus, *rectus*, polô deniq; alterutrô depressô, alterô elevatô, *obliquus*.

Aphor. 26. *Officia itaq; Æqvatoris potissima sunt* (1) quod sit mensura motus primi, quem definit revolutione suâ, ita ut pro horæ Spatio 15. requiratur ascensus & descensus. (2) determinat interfectione suâ & Ec-
clipt. puncta æqvinoctialia (3) dirimit Australem medietatem à Septen-
trionali. &c:

Aphor. 27. *Zodiacus* est Circulus maximus, mobilis & invariabilis, qui præter communem circuli in 360 divisionem, insuper in XII. signa di-
viditur, & Planetarum receptaculum est. Aph.

Aphor. 28. Constat a. Zodiacus non longitudine tantum, sed latitudine quoq; , quæ à recentioribus 18. assumitur graduum.

Aphor. 29. Circulus qui medietatem Zodiaci dirimit, vocatur *Ecliptica*, & est Circulus maximus, mobilis & invariabilis, Solis ostendens motum proprium, cuius etiam perpetuum receptaculum est.

Aphor. 30. *Officia Eclipticæ potissima sunt.* (1) Solis motum ostendere. (2) determinare Eclipsium vicissitudines (3) longitudes stellarum, & (4) Latitudines earundem, (5) Tropicos (6) coluros (7) quantitatem ostendere diei artificialis.

Aphor. 31. Duodecim esse Zodiaci Signa dictum est antea; Exprimuntur autem eorundem ordo versu sequenti

Sunt Aries, Taurus, Gemini, Cancer, Leo, Virgo, Libraq; , Scorpius, Arcitenens, Capre, Amphora, Pisces.

Aphor. 32. Notandum, differre Zodiaci Signa ab asterismis, iisdem

nominibus in cœlo insignitis, ideò, quod stellæ fixæ, quamvis tardissimum, & veteribus ignotum, aliquem tamen in cœlo habeant motum, quem primùm animadvertit *Hipparchus* & post eum *Ptolomæus*, ac novissimè *Tycho*; qui quod motum proprium Stellarum fixarum cognoverint satis, duplicem fecerunt Zodiacum, alterum in octavo, alterum in nono orbe, quorum ille asterismos, hic circulos, eorumq; intersectiones, complectitur, seu uti *Hipparchus* loquitur ille ἡστερισμένα ζώδια, hic δωδεκατημόρια. Cæterum progrediuntur asterismi quotannis versus orientem s. eis τὰ πρῶτα per 50. Unde præsentī anno variatio Longitudinis Stellarum fixarum est. 77. 52. / ferè.

Aph. 33. dividuntur Signa Zodiaci in Cardinalia, & non Cardinalia.

Aphor. 34. Cardinalia sunt vel æquinoctialia, vel solstitialia.

Aphor. 35. Signa Zodiaci Æquinoctialia vocantur ♈, ♎, illud quando Sol ingreditur, Ver, quando hoc, autumnus incipit.

Aph.

Aphor. 36. *Signa Zodiaci solstitialia* itidem duo sunt, ☊ & ♋ illud quando sol ingreditur, Æstas, quando hoc, hyems incipit.

Aphor. 37. *Signa Zodiaci non cardinalia* sunt omnia reliqua.

Aphor. 38. Dividuntur porrò signa Zodiaci in *vernal*a, æstiva, autumnalia, & hyberna. *Vernalia* sunt, in quibus Sol versans, vernum tempus efficit, & sunt. ♈ ♉ ♊.

Aphor. 39. *Signa Zodiaci æstiva* sunt, in quibus Sol versans apud nos æstatem efficit, ut sunt. ☊ ♋ ♌.

Aphor. 40. *Signa Zodiaci autumnalia* sunt, in quibus cum Sol incedit, autumnum efficit, ut sunt. ♎ ♏ ♐.

Aphor. 41. *Signa Zodiaci hyemalia* sunt, in quibus Sol versans hyemem apud nos efficit, ut sunt. ♑ ♒ ♓.

Aphor. 42. Dividuntur præterea signa cœlestia in Septentrionalia, & meridionalia.

Aphor. 43. *Signa Septentrionalia* vocantur, quæ ab æquatore
VERE

versus polum Arcticum declinant, & sunt $\vee \text{ } \delta \text{ } \Pi \text{ } \ominus \text{ } \Omega \text{ } \text{ny}$.

Aphor. 44. *Signa meridionalia* vocantur, quæ ab æquatore versus Polum antarcticum declinant, ut sunt. $\text{= } \text{m} \text{ } \rightarrow \text{ } \text{p} \text{ } \text{= } \text{X}$.

Aphor. 45. Tandem signa alia vocantur *Ascendentia*, alia *descendentia*.

Aphor. 46. *Signa ascendentia* vocantur, in quibus dum sol versatur ad verticem nostrum accedit, & sunt $\text{p} \text{ } \text{= } \text{X} \text{ } \vee \text{ } \delta \text{ } \Pi$

Aphor. 47. *descendentia* vocantur, in quibus sol dum versatur à vertice nostro recedit & sunt sex reliqua.

Aphor 48. Poli Eclipticæ à Polis mundi diversi sunt, & in tantum ab iisdem distant, quanta est maxima Eclipticæ declinatio seu obliquitas puncti \ominus vel p quæ à Ptolomæo 23 30. à Longomontano 23. 31. 30. assumitur.

Aph. 49. *Coluri* sunt circuli maximi mobiles & invariabiles per polos æquatoris & puncta Eclipticæ cardinalia ducti, Aph.

Aph. 50. Duo vero hujusmodi circuli in Sphæra materiali repræsentari solent, quorum alter Æquinoctiorum, alter Solstitiorum dicitur.

Aph. 51. *Colurus Æquinoctiorum* est, qui est nonagesimo æquatoris gradu descriptus, per puncta æquinoctialia ∇ & \sqcap transit.

Aph. 52. Ejusdem officia & proprietates sunt (1) transitu suo monstrare puncta æquinoctialia (2) dividere medietatem Eclipticæ in Borealem & australem. (3) Secare æquatorem & omnes æquatoris parallelos ad angulos rectos (4) cum Ecliptica facere angulum obliquum tantum, quantum est complementum maximæ obliquitatis Eclipticæ ad quadrantem &c.

Aph. 53. *Colurus Solstitiorum* est, qui est punctorum æquinoctialium alterutro descriptus, per puncta Solstitialia \odot & φ transit.

Aphor. 54. Ejusdem officia & proprietates sunt (1) transitu suo monstrare puncta Solstitialia. (2) dividere signa Zodiaci in ascendentia & descendentia. (3) Secare æquatorem & Eclipticam ad angulos rectos.

B

(4) Mon-

(4) Monstrare maximam obliquitatem Eclipticæ s. declinationem Solis, distantiam polorum &c:

Aphor. 55. *Horizon* est circulus immobilis & variabilis, dividens sphaeram in sectionem latentem & patentem.

Aph. 56. Vulgò duplex esse dicitur; Sensibilis & rationalis.

Aphor. 57. *Horizon sensibilis*, aliàs apparens & artificialis dictus, vocatur circulus, qui describitur ab oculo in superficie terræ elevato & circulariter moto. E qua descriptione liquet, Horizontem sensibilem circulum maximum haud esse, sed maximo, nempe Horizonti rationali, parallelum, itemq; ejus quantitatem uniformem non esse, cum dependeat à multiplici elevatione oculi, acie ejusdem, semidiametro terræ &c: Cæterum quam proximè vera est semidiametri Horizontis visibilis determinatio, quam *Keplerus L. 1. Astron. Copernic. & Dion. Petav. L. 7. Uranol. c. X.* proponunt, nempe quod si statura humana esset passus unius $\frac{1}{2}$ & homo stet in litore maris, non excederet semidiater Horizontis visibilis
milliaria

milliaria Italica $3\frac{1}{2}$, quod si elevatus esset pass. 12. semidiameter fieret novem miliar. Italic. si elevaretur ad 131 passus, semidiameter Horizontis visibilis fieret 30 Milliariū Italicorum &c: Quatuor autem milliaria Italica uni Germanico respondere unanimis Geographorum assertio est. *V. Ricciol. Almag. Tom. 1. Part. 1. p. 12, 64.*

Aph. 58. *Horizon rationalis* est circulus maximus, ē vertice loci descriptus & hemisphærium superius ab inferiori dirimens.

Aphor. 59. Ejusdem officia & proprietates potissimum sunt: (1) totum cœlum in partes duas Latentem & patentem dividit, & hac ratione verum ortum atq; occasum siderum ostendit. (2) definit noctis & diei artificialis quantitatem, (3) determinat in sphæra obliqua & parallela Stellas perpetuæ apparitionis & perpetuæ occultationis (4) monstrat Ascensiones obliquas in sphæra obliqua, rectas in recta. (5) Patefacit amplitudinem Stellæ cujusvis ortivam & occiduam (6) est terminus à quo altitudinis stellarum, & elevationis poli (7) est receptaculum divisionis planetarum

garum & ventorum. (8) ejusdem à Zenith, s. puncto supremo, & Nadir, seu puncto imo, eadem est distantia, scilicet 90.

Aphor. 60. Cœterum cum ortus & occasus Stellarum facta sit mentio, varietates utriusq; ut eò melius intelligantur Horizontis munia, adducendæ sunt; Dicitur enim Ortus & Occasus vel respectu apparentiæ & disparentiæ Stellæ supra Horizontem, vel respectu apparentiæ & disparentiæ stellæ ob remotionem, vel propinquitatem radiorum Solariū, qui ortus & occasus cōmuniter Heliacus dicitur. Ortus & occasus verò in relatione ad Horizontem dicitur vel respectu Æqvatoris, vel respectu Solis, ille vocatur Astronomicus, hic ab usu Poeticus. Poeticus verò iterum est vel Cosmicus vel Acronyctos. Deniq; Heliacus est vel matutinus vel vespertinus.

Aph. 61. *Ortus Astronomicus*, alias Ascensio, est arcus Æqvatoris à principio Arietis, usq; ad mediætatem Horizontis Orientalis, in quo punctum cœli,

cœli, quod oriri dicitur, existit, numeratus, & pro diverso Sphæræ positu, ascensio hæc Recta vel obliqua dicitur. At subposito sphæræ parallelo ortus hic ac occasus observari nequeunt.

Aphor. 62. *Occasus Astronomicus*, al. descensio, est arcus Æqvatoris, à principio Arietis usq; ad medietatem Horizontis Occidentalis, in quo punctum cœli, quod occidere dicitur, existit, numeratus, atq; iterum, pro diverso Sphæræ positu, descensio hæc Recta, vel obliqua dicitur.

Aphor. 63. *Ortus Cosmicus*, al. verus matutinus, est puncti cœlestis una cum Sol oriente supra Horizontem ascensio; unde liquet, in sphæra recta, omnia cœli puncta successivè hoc modo oriri posse, in sphæra obliqua autem Stellas perpetuæ apparitionis & occultationis excipien-
das esse, denique in sphæra parallela huiusmodi ortum commodè obser-
vari non posse.

Aphor. 64. *Occasus Cosmicus*, al. verus matutinus est puncti cœle-
stis,

stis, ex aduerso Solis Orientis, infra Horizontem descensio, cuius exemplum Luna tempore plenilunii exhibet. Liqvet autem ex hac ipsa descriptione, non tantum puncta cœli perpetuæ apparitionis & occultationis, sed etiam Venerem & Mercurium hoc modo occidere non posse, idè quod maxima Veneris à Sole digressio 48°, Mercurii autem 28° non excedat, cum tamen ad occasum Cosmicum requiratur 180° distantia inter Solem & punctum quod occidere dicitur.

Aph. 65. *Ortus Acronychus*, (ἀπὸ τῆς ἀντιφασίας, id est à primo noctis termino nomen habens) alias, & corruptè quidem, Acronychos, it. ortus verus vespertinus, est puncti cœlestis, ex aduerso solis Occidentis, supra Horizontem ascensio, cuius exemplum denuò Luna, ortu suo vespertino tempore plenilunii, exhibet. Itemq; manifestum est, iisdem sideribus, quibus occasus Cosmicus repugnat, repugnare quoq; ortum Acronychum seu Vespertinum.

Aph.

Aphor. 66. *Occasus Acronyctus*, al. verus vespertinus, est puncti
 cœlestis, una cum Sole, infra Horizontem descensio, cujus exemplum Lu-
 na tempore novilunij exhibet, atq; hic occidendi modus omnibus stellis
 interdum apparentibus, interdum non apparentibus competere potest.
 De utroq; ortu & occasu, Cosmico scilicet & Acronycto, notari possunt
 versus sequentes memoriales, non elegantes;

Cosmicè descendit signum, quod Chronicè surgit,

Chronicè descendit signum, quod Cosmice surgit.

Enimverò in stellis, quæ latitudinem habent majorem, fallit regula; Nam
 Stellæ boreales Cosmicè s. cum Sole orientes, Chronicè cum sole non oc-
 cidunt, sed diu post Solem, australes vero ante Solem, nisi positus sphaeræ
 rectus sit, s. uterq; polus Horizonti incumbat.

Aph 67. *Ortus Heliacus* s. *apparens matutinus* vocatur prima fideris
 paulo ante Solis ortum apparitio & è radiis solaribus emergio; Unde pa-

ret Stellas fixas, Saturnū, Jovē, Martē, Venerē & Mercuriū hoc modo oriri posse, qvōd priores semper, posteriores aliquando Sole respectu motus proprii tardiores sint, Luna vero post Synodum, ante solem oriri nequit ideo, qvā motus ejus proprius Solis motū diurnū major est.

Aph. 68. *Ortus Heliacus s. apparens vespertinus* vocatur prima fideris, paulo post Solis occasum apparitio & ē radiis solaribus emerſio, ijs cœli fideribus, qvæ aliquando Sole velociores esse possunt, unicè competens, id est Veneri, Mercurio atq; Lunæ, & hujus imprimis ortum Heliacum observabant Judæi olim.

Aph. 69. *Occasus Heliacus s. apparens matutinus* vocatur prima fideris sub radiis Solis paulo post orituri occultatio, cujusmodi tribus Planetis superioribus & stellis fixis competere nunquam potest, Veneri autem & Mercurio aliquando tantum.

Aph. 70. *Occasus Heliacus s. apparens vespertinus* vocatur prima fideris

deris sub radijs Solis jam jam occidentis occultatio, cujusmodi in Luna semper, in Venere & Mercurio aliquando notari potest.

Aph. 71. Coeterum cum ortus & occasus siderum à distantia eorundem & Solis unice dependeat, quam *arcum visionis*, itemq; *fulsionis* communiter vocant, eundemq; in circulo verticali concipiunt, notandum est, variare quantitatem istius arcus multis modis, pro variatione scil. Latitudinis stellarum, tempestatis anni, Loci in quo instituitur observatio, distantiae stellarum à Terra &c. communiter tamen habitum tantum Lucis ratione, quâ Stellæ fulgent, ad ortum Heliacum requirunt; Pro *Stellis fixis primæ magnitudinis* 12, *secundæ* 13, *tertiæ* 14, *quartæ* 15, *quintæ* 16, *sextæ* 17. *Saturno* 11. *Jove* 10. *Marte* 11½ *Venere* 5 *Mercurio* 10. Vid. Kepleri Epit. Astronom.

Aph. 72. *Meridianus* est circulus maximus immobilis & variabilis,

B §

ē pun-

ē puncto contactus Horizontis & æqvatoris per Zenith & Nadir atq; polos mundi & æqvatoris ductus.

Aph. 73. Dicitur meridianus â primario officio, quod est meridiei & mediæ noctis determinare vicissitudines, quas ostendit Solis in sphaera recta & obliqua per hunc circulum transitus. Nam in sphaera parallela Meridianus concipi nequit, cum poli pro eodem ibidem præsto non sint, nisi quis colurum æqvinoctiorum ejusdem vices sustinere quodammodo asserere vellet.

Aph. 74. Circuli hujus officia & proprietates potissimæ sunt, quæ sequuntur: (1) Monstrat in sphaera recta & obliqua meridiem & mediam noctem. (2) altitudinem stellarum maximam, & si perpetuæ apparitionis eadem sint, minimam quoq; (3) elevationem poli in sphaera obliqua (4) Declinationes punctorum cælestium (5) Ascensiones Rectas punctorum cælestium. (6) terminum longitudinis, de qua in Geographicis &c.

Aph.

Aph. 75. *Tropici* sunt circuli minores, mobiles & invariabiles, è polis æquatoris, per puncta Eclipticæ, quæ maximæ ab Æquatore declinant, descripti; & dicitur alter *Tropicus canceri*, alter *Capricorni*.

Aphor. 76. Officia & proprietates utriusq; Tropici sunt: Monstrare (1) Solstitiorum & maximæ Eclipticæ obliquitatis puncta (2) maximæ & minimæ diei in Sphæra obliqua quantitatem (3) terminos Zonæ torridæ, & initia Zonarum temperatarū, in relatione scil. ad globum terrenum &c.

Aph. 77. *Polares* sunt circuli minores mobiles & invariabiles, à polis æquatoris per polos Eclipticæ ducti, & dicitur alter, à vicinitate utriusq; Ursæ, *Arcticus*, alter *antarcticus*.

Aph. 78. Officia & proprietates utriusq; Polaris sunt: Monstrare (1) motum polorum Eclipticæ (2) maximam Eclipticæ obliquitatem, quæ se habet ad polares semidiametri instar (3) terminos Zonarum temperatarum & initia frigidarum in relatione ad globum terrenum &c.

Aph. 79. *Circuli minus principales*, s. qui in Sphæra artificiali concipiuntur quidē, sed delineari non solent, sunt vel maximi, vel minores. Maximi potissimum sunt Circuli declinationum, circuli verticales, circuli positionum: Minores sunt paralleli Æqvatoris, & Horizontis, Almucantarath dicti.

Aph. 80. *Circuli declinationum*, item *Ascensionum reclarum*, sunt circuli maximi, per polos Æqvatoris & punctum cœli quodvis ducti, manifestantes punctorum cœlestium ab Æqvatore distantias, & vice omnium Meridianus esse potest.

Aph. 81. *Circuli latitudinum*, item *longitudinum*, sunt circuli maximi, per polos Eclipticæ & punctum cœli quodvis ducti, manifestantes punctorum cœlestium Loca in Ecliptica, quæ *longitudo* vocari consuevit, eorundem quoque punctorum cœlestium ab Ecliptica distantias, quæ *latitudo* vulgò dicitur. Utraque & longitudo & latitudo Stellarum fixarum

in

in imaginibus nostris, pro hoc sæculo, exprimitur, illa in lineis summa & ima, hæc in lineis marginalibus. Planetæ vero quam longitudinem, quam item latitudinem quovis tempore habeant, ex Ephemeridibus colligi debet.

Aph. 82. *Circuli Verticales*, item *Elevationum & altitudinum* sunt circuli maximi, per Zenith & Nadir ac punctum cœli quodvis ducti, manifestantes puncti cuiusvis cœlestis ab Horizonte distantiam, quæ, si terminus ad quem stella sit, *Altitudo*, si polus mundi, *elevatio* vocari solet.

Aph. 83. *Circuli positionum*, item *Domorum cœlestium*, sunt circuli maximi, per communes Horizontis cum meridiano intersectiones, & punctum cœli quodvis ducti, manifestantes in Genethliacis secundum modum, quem Rationalem vocant, cuspidibus s. initiis domorum cœlestium adscribenda Eclipticæ puncta.

Aph. 84. Vocantur autem *domus cœlestes*, duodecimæ cœli partes
B 7 æquales.

æquales, in quas Astrologi cœlum dividunt, & è conditione earundem, futura prædicere conantur; Et si enim cœlum, ut corpus rotundum initiò & sine φύσει careat, Θέσει tamen utrumq; à Mathematicis assumitur. Et hi porro in eo à se invicem discrepant quam maximè (ut alios themata erigendi modos taceam) quod nonnulli per sex latitudinum circulos, immediatè Eclipticam, alii per sex circulos positionum, immediatè æqvatorum, & consequenter totum cœlum in XII. spatia æqualia dividant. Prior modus *æqvalis* (ratione Eclipticæ scil.) posterior *rationalis*, vocari consuevit.

Aph. 85. *Circuli paralleli* vocantur κατ' ἐξοχὴν respectu Æqvatoris qui ab eodem æqui distant, & per singula cœli puncta è polis æqvatoris, duci possunt.

Aph. 86. *Almucantarath* sunt circuli minores Horizonti paralleli, & per singula cœli puncta, ex polis Horizontis, Zenith & Nadir, duci possunt.

Aph.

Aph. 87. Egimus hæcenus pro instituti nostri ratione, id est breviter, de circulis, quibus motus primus stellarum demonstrari solet, à quibus item sidera denominantur, de secundo Stellarum motu & theorijs ad explicationem ejusdem necessarijs, dicemus alibi. De Stellis fixis ordinarijs, itemq; de Planetis porrò dicendum est.

Aph. 88. Stellæ fixæ ordinariæ considerantur vel absolutè, & sic ratione quantitatis, vel relative ratione figuræ, quæ ad se invicem relatæ exhibere dicuntur, quas figuras communiter asterismos vocamus.

Aph. 89. *Quantitas stellarum fixarum* non nisi per hypothesein dubiæ earundem à terra distantia colligi potest, quæ à Copernico colligitur Semid. terræ 7850000. id est milliarium 6751000000, à Tychone assumitur 14000 Semidiametrorum terræ seu 12040000 milliarium Germanicorū, ut ex Archimedis demonstratione, quæ ostendit, Diametrum ad Perimetrum se habere, ut se habent 7 ad, 22 circumferentia orbis, in quo versantur stellæ

Stellæ fixæ fiat semidiametrorum terræ 88000. De qua hypothefi præstat
 ipſum Tychohem audire: *Animadvertendum eſt, inquit Lib. I. Progym. p.*
483. fieri poſſe, ut non æquali à terra removeantur intervallò ſingula affixa ſi-
dera: Sed quædam propius, nonnulla verò remotius hinc diſtent. Quod ſi ita
ſe habet, ſtellæ, quæ plus abſunt, minores apparebunt iis, quæ propiores ſunt, ut
ut æqualem per ſe in cælo obtineant quantitatem, attamen non nimiam oportet
hic pro octavæ ſphæræ limitibus admittere vaſtitatem. Neq̃ enim tam ampla
eſſe poterit, ut ſtellæ minimæ, quæ ſexti reputantur ordinis, tantà inter capedine
à terris elongentur, quâ æquales reddantur iis, quæ primi & præcipui ſunt ful-
goris. Evaderet enim hoc intervallum, ſupra modum amplam, ita ut ſemidia-
metro terra plus quam 155000. contineret. Sicq̃ undecies altius, quam nos eorum
ſublinitatem aſſumſimus, elevandæ forent: Atq̃ ita ſpatium illud octavo orbi
deputatum, undecim quocq̃ vicibus complecteretur eam intercapedinem, quæ eſt
à terris uq̃ in ejusdem præſuppoſitas oras. Quod ſane omnem modum atq̃ ſi-
 dem ex-

dem excedit. Probabilius itaq; erit quasdam Stellæ per se majores esse, atq; multiplicem in his varietatem, quâ natura gaudet, inveniri. Hactenus Tycho, quæ sententia dubio procul etiam Manilii fuit, quando L. 1. Astron. c. 4. de apparentia siderum in fronte Orionis canit:

Non quod clara minus, sed quod magis alta recedant:

Quicquid vero de altitudine stellarum fixarum sit, sex magnitudinis species pro stellis fixis vulgo allegant, quibus alij addunt obscuras & nebulosas.

Aph. 90. *Stella fixa prima magnitudinis sunt, quæ terrâ conties septies & quod excedit, ut opinati sunt Veteres, at secundum Tychonem sexaginta octo vicibus saltem majores existunt, & duo proximè minuta in Diametro adimplent. Tales 15 communiter in Cœlo numerantur, tres, (Lucida Lyra nempe, Capella & Arcturus) in plaga cœli septentrionali, quinque, (oculus Tauri, Cor & cauda Leonis, spica Virginis & cor Scopii) in*
C
Zodia-

Zodiaco & septem (scilicet *canis major, canis minor, due in Orione, una in extremitate Eridani, Canopus & Fomalhaut*) in australi Cœli plaga. Cœterum de his ipsis notandum est, quod quædam quantitate visibili & Luminis splendore cæteras ejusdem ordinis antecedant, unde colligit Tycho, dummodo omnes æqualiter à terra distant, quod aliæ majores, aliæ minores sint.

Aphor. 91. *Stellæ fixæ secundæ magnitudinis* sunt, quæ terrâ nonagies & quod excedit, ut opinati sunt veteres, at secundum Tychonem 28 cum semisse vicibus majores existunt & in diametro visibili sesquialterum minutum ut plurimum continent. Tales 45 in cœlo vulgo numerant, 18 in plaga cœli boreali, 9. in Zodiaco, ac denique 18. in plaga cœli australi.

Aph. 92. *Stellæ fixæ tertiæ magnitudinis* sunt, quæ terra septuagies bis & quod excedit, ut opinati sunt veteres, at secundum Tychonem 11 saltem vicibus, majores existunt & in Diametro visibili $1\frac{1}{2}$ continent. Tales

Tales 205 nonnulli in cœlo observant, 81. in borea, 64. in Zodiaco, & 60. in Austro.

Aphor. 93. *Stellæ fixæ quartæ magnitudinis* sunt, quæ terrâ quinquagies quinqvies ferè, ut opinati sunt veteres, at secundum Tychonem sesqui quater saltem majores existunt & in Diametro visibili $\frac{3}{4}$ minuti seu 45 // comprehendunt. Tales 477 secundum Mæstlinum, & alios in cœlo observare licet, 177. in borea, 133. in Zodiaco, 167 in austro.

Aph. 94. *Stellæ fixæ quintæ magnitudinis* sunt, quæ terrâ tricies sexies, & quod excedit, ut opinati sunt veteres, at secundum Tychonem, semel ferè, majores existunt, ut proportio inter Diametrum Stellæ quintæ magnitudinis & Diametrum globi terreni sit, qualis est 50 ad, 49. Æstimat enim Nobiliss. Tycho diametrum stellarum hujus ordinis esse dimidium scrupulum seu 30 //. Tales 217. in cœlo observare licet; 58. in borea, 105, in Zodiaco, 54. in Austro.

Aph. 95. *Stellæ sextæ magnitudinis sunt*, quæ terrâ decies sexies, & quod excedit, majores existunt, ut veteres quidem opinati sunt, at secundum Tychonem terrâ minores sunt, cum non multum ultra $\frac{2}{5}$ de ejus Diametro subtendant, apparente visibili earundem diametrò 20//. seu unius tertiæ partis minuti primi. Tales 49, communiter observare solent, 13. in borea, 27. in Zodiaco, 9. in austro.

Aph. 96. *Stellæ obscuræ* vocantur, quæ partim ob nimiam distantiam, partim ob luminis raritatem, & corporis exilitatem visum hominis ferè fugiunt. Tales 9 in cælo observari solent, quæ omnes in boreali plaga cæli conspiciuntur.

Aphor. 97. *Stellæ nebulosæ* sunt, quæ cum aliis arctius conjunctæ, nebulis similes videntur, vel partem quantam Galaxiæ referunt. Ejusmodi Stellas quinque numerabat antiquitas, unam in borea, 3. in Zodiaco, & unam in Australi mundi plaga. A Keplero vero & nonnullis

lis aliis præter duas nubeculas circa polum Antarcticum quatuordecim nebulosæ numerantur. (1) in pectore Cancri (2) in aculeo Scorpii (3) in oculo Sagittarii (4) in capite Persei (5) in capite Orionis (6) in extremo pede Herculis (7) in fronte Capricorni (8) in cornu Orientali. (9) in cornu occidentali (10) in ventre, (11) & (12) in Phœnice (13) & (14) in Pavone.

Aph. 98. Stellæ fixæ relativè consideratæ seu ratione figurarum, Asterismorum nomine communiter veniunt. Asterismum verò vocant certum in cœlo stellarum tractum, seu constellationem, quam â re quæpiam animata vel inanimata veteres denominarunt. Cæterum quod non æqualibus inter se intervallis disposita sint sidera, nec figuras exhibeant regulares, sed irregulares, ut insipientibus casu potius, quàm consiliô disseminata quasi videri possent, ejus rei causas quasdam *Joh. Bapt. Riccio-* *lus* allegare audet, de quibus quam firmæ sint, judicent alii: *Primò*, inquit, *situm illum & formam requirebat affectuum naturalium varietas, quos static*

vicibus in sublunarem regionem cœlitus emanare oportebat; proinde quæ mera ac nuda nostra Geometriæ irregularia sunt, Theophysicæ, hoc est divinæ scientiæ, quæ Naturam gubernat, regularia sunt, & cœlesti consiliò ac fini commensurata schemata. Deinde si regularem mathematicè formam obtinuissent astra omnia; nec tam manifesto discrimine discernerentur, nec variò suò situ diversas temporum vices distinxissent nobis: Fac enim Astra illa, quæ nunc plaustra vel Ursas vocamus, quadrati tantum aut Rhombi formam habeant, tum enim in verso temone aut cauda, matutinum tempus à vespertino dispescere neutiquam poterunt. Accedit quod hac ratione acuenda fuere mortalium studia, ut non nisi post longam cœli contemplationem, industriâ suâ imagines ac figuras astrorum excogitantes, & nominibus suo captui accommodatis indiguitantes, velut cælum sibi totiq; acqvirerent posteritati. Postremo illa Varietas, ut experimento seculorum compertum est, deserbit apprimè non Medicina modò & Agricultura, sed Navigatoriæ potissimum, atq; Astronomiæ, ut Naucleri di-

versis

versis se in regionibus esse, diversitate astrorum evidentius agnoscant; & Astro-
nomi in Planetarum locis, aut in momentis temporum, ex altitudine aut in-
tervallis siderum observantes, certissimis notis stellam à stella dignoscant, nec si-
militudo schematum eos in errorem inducat. Haecenus Ricciolus.

Aph. 99. Dividuntur in Boreales, Zodiacales & Australes, Boreales
sequentibus memoriae causa comprehendere solent versiculis, maximam
partem ex Ausonio desumptis.

*Ad Boreae partes septem sidera fulgent;
Arcti, Draco, Bootes, moxq; corona, Genuq;
Prolapsus, Lyra, avis, Cepheus & Cassiopeja,
Auriga, & Perseus, Delatoton & Andromede astrum.
Pegasus & Delphin, Telum, hinc aqvila, anguitenensq;.*

Zodiacalia signa, quorum 12 hodie citant auctores, ordinantur hoc modo.

C 4

Sunt

*Sunt Aries, Taurus Gemini, Cancer, Leo, Virgo,
Libra, Scorpius, Arcitenens, Capricornus, Amphora, Pisces.*

Eadem Zodiaci signa pluribus, sed optime compositis versibus expressit Manilius L. I. c. IV.

*Aurato princeps Aries in bellere fulgens
Respicit admirans adversum surgere Taurum,
Summissò vultu Geminos ex fronte vocantem.
Quos sequitur Cancer, cancrum Leo, Virgo Leonem.
Æquato tum Libra die cum tempore noctis,
Attrahit ardenti fulgentem Scorpion astro;
In cuius caudam contentum dirigit arcum,
Mixtus equo, volucrem missurus jamq; sagittam
Tum venit angustò Capricornus sidere flexus,
Post hunc inflexam diffundit Aquarius urnam,*

Pisci.

Piscibus affetas abide subeuntibus undas ;

Quos Aries tangit claudentes ultima signa.

Tandem *Australia* non nisi quindecim Veteribus erant cognita, quæ sequentibus includebant versibus.

Post ter quing, tibi signa hæc vertuntur ad austrum ;

Cetus & Eridanus, Lepus & nimbosus Orion,

Sirius & Procyon, Argo ratis, Hydraq, Crater,

Corvus, Centaurus, Lupus, ara, corollaq, Piscis.

Aph. 100. Cæterum quod denominationes Asterismorum attinet, siue ab hominibus, siue ab aliis rebus, etiam inanimatis, desumptas ; aliqua certe nomenclatura ad discernendas stellas à se invicem necessaria fuit ; At quod præcisè hoc modò & non aliò stellarum figuræ nomini-
bus suis distinctæ sint, primis Astrognoſtis acceptum ferendum est, antiquissimis iisdem, & dubio procul in seculo. *μυθικῶν* fabuloso florentibus ;

Quorum emendare placita neq; necessarium, neq; utile foret. Non necessarium, cum aliàs quoq; in sacris Bibliis idolorum frequentissima fiat mentio, & Paulus ex Arato Mythologo quædam citet. Nec utile, cum hâc ratione mera confusio timenda esset, studium item Astrognosticum, alias neglectum satis, ob recentem difficultatem omnino nullos admiratores sine dubio fortiretur. Ut frustra sint Puritani, novissimus Angliæ partus, qui inter causas schismatos, quod fecerunt, nomina idololatrica stellarum, & dierum, à stellis sic dictorum, referunt, de quibus vide *Hoornb. summ. Contr. de Brownistis p. 629.*

Aph. 101. Enimvero neq; vetusta illa Astrorum *ὀνοματολογία* fundamentò omni caret; Momentum attulit primò virorum de Republica optimè meritorum, catalogus. Allicite animum ad virtutis studium heroum gloria & nominis fama quæ mori nescit; Ira Hercules, Perseus, & alii cœlestes facti sunt, Externa figura aliis nomen dedit, ceu Coronæ, trian-



Figur. II.

Non
ventis
et.
em Al
nino
ni, no
t, nom
nt, de

loya
Repub
s stud
, Perle
u Cora
trial

angulop
s, quem in
an agendi
Stella, q
na impeda
vocarunt
s, in locis
a. &c. C
Aph. 10
enfura (q
illero S. E
Jacobi &
minens se
um quinta

trianguli, plaustrorum &c: id probant exempla. Deniq; influendi modus, quem in hæc inferiora communiter exercent stellæ, & occulta quædam agendi vis, nominum origo in nonnullis extitit; Hyades certè vocantur Stellæ, quarum ortum vel occasum crebriores comitantur imbres, nisi id alia impediatur constellatio: Sic quæ à nautis observantur sidera, plejades vocarunt; Quibus cosmicè orientibus canes plerumq; aguntur in rabiem, in locis præprimis calidioribus, earum compagem Canem vocarunt. &c: Cœterum de singulis Asterismis breviter quædam dicemus.

Aph. 102. *Ursa minor*, aliàs Arctos minor, Plaustrum minus, Cynosura (quasi diceret cauda canis) Germanicè der kleine Wagen/Julio Schillero S. Michael Archangelus, Harsd. Ursa Elisæ 2. Reg. 2, 24. it. currus Jacobi & Josephi Gen. 45, 27. c. 46, 29. est Asterismus borealisissimus, continens septem Stellas; duas secundæ, unam tertiæ, tres quartæ & unam quintæ magnitudinis, quibus à recentioribus additur 8va sextæ magnitudinis

gnitudinis. Præ reliquis stellis in Asterismo hoc conspicua est quam *polarem* vulgò vocant, quod polo Arctico admodum vicina sit, atq; ad eundem quotannis propius accedat. Quamvis enim Evdoxi & Hipparchi seculo alia in hoc asterismo secundæ magnitudinis Stella, borealissima vocata sit, uti adversus Scaligerum, Clavius, Guldinus, & Petavius disputant, hodie tamen ob motum in longitudinem & variationem declinationis extrema caudæ hoc nomen sortitur. Atq; hoc est, quod *Tycho* tom. I. Progymn. pag. 362. colligit, extremam caudæ stellam quotannis ad polum mundi 20// accedere. Quem accessum Tychonicum è propriis observationibus suis, quas instituit, omnino congruum esse, *Johannes Baptista Ricciolus* *Almagesti* Nov. T. I. part. I. L. VI. p. 404. prolixè testatur. Nunquam tamen ex ejus sententia ad ipsum mundi polum pervenire poterit, sed distabit ad initium canceri progressa, à mundi Polo 7, in simul recedere tunc incipiet, quod juxta Tychonem anno 2092, juxta ipsum Ricciolum



Fig. III.





...um
... 244
...mo di
...is au
... Ap
...os, m
...etri, D
...us Bo
...n secu
...iz mag
...earum
...qz el
...us qv

ciolum anno 2103. observare licebit. Dux in caudæ residuæ Stellæ Hygino *χορσούται* alias *vigiles & circitores* dicuntur. Coëterum de hoc asterismo dicitur vulgò, quod à Thalete inventus sit, item quod è Cretenſibus Jovis nutricibus unam referat.

Aphor. 103. *Ursa major*, al. Plauſtrum majus, Lycaonia, Helice, Arctos, major, Calliſto, Germanicè der *Heerwagen*/Schillero Navicula S. S. Petri, Dn. Harsd. Ursa Eliſæ 2. Reg. 2, 24. currus Eliæ 2. Reg. 2, 11. eſt aſterismus Borealis exhibens præ reliquis 27 ſtellas conſpicuas, quarum ſeptem ſecundum Tychoſem, Longomontanum, Bayerum & Keplerum ſecundæ magnitudinis ſunt, tres tertiæ, 12. quartæ, 6. quintæ. Circa numerum earum quas ſecundæ magnitudinis æſtimari dixi, diſſentit Ricciolus, eam quæ eſt ad radicem caudæ vix eſſe tertii honoris aſſerens, quod Ptolemæus quoq; opinatus eſt. Porro eum ad ſe invicem ſitum urſæ habent,

bent, ut caput unius vergat ad alterius caudam, plane ut *Manilius* canit.

*Nec paribus posita sunt frontibus, utraq; caudam
Vergit in alterius rostrum, sequiturq; sequentem.*

Uti vero septem ursæ majoris Stellæ currum referunt, ita supra mediā quæ in cauda est, præditis visus acrimoniai videre licet exiguam stellam, quam Germani vocant den kleinen Reuter/Arabibus *Alcor* dicitur: Unde proverbium; *Vidisti Alcor, sed non Lunam plenam.* Nos Germani vocamus *Splitter-Richter.* Inter eosdem Arabes qui Christiani sunt, vocant *Ursi Plaustrum* quadratum *Naasch Laazar*, id est *pheretrum Lazari*, & primam caudæ *Mariam Magdalenam*, mediam caudæ *Martham*, ultimam vero *fabulam* illis *Ellamath*, uti id ex *Athanasii Kircheri* Literis refert, quem citavi Bononiensis Professor. Cæterum situm ursæ eleganter describit *Ovidius* l. 2. *Metam.* fabulam insuper ἀνὰ σφῶτος ejusdem. Siquidem refert Jovem

Jovem, Dianæ faciem mentitum, *Arcadiam*, Lycaonis Regis filiam insignē
venatricem per fraudem imprægnasse, unde *Arcas* genitus sit, Junonem
v. indignatam ademisse Arcadiæ humanam formam, quā placebat marito
suo, & ursinam substituisse. Arcadem porro quindecim annos natum, per-
sonatam feram propemodum occidisse, à Jove tamen, per inania raptum,
una cum matre cælo adscriptum esse. Quo factò Juno dicitur *Oceanum*
Unaccesisse, & mariti sui facinus desripisse his verbis.

pro me tenet altera cælum,

Mentiar, obscurum nisi nox cum fecerit orbem,

Nuper honoratas summo mea vulnere cælo

Videritis stellas illic, ubi circulus axem

Ultimus extremum, spatium brevissimum ambit.

Rogasse porro Tethin & Oceanum :

At vos, si læsa tangit contemptus alumne,

Gurgis

*Gurgite cœruleo septem prohibete triones,
Sideraq; in cælum stupri mercede recepta
Pellite, ne purô tingatur in agvore pellex.*


Vide Ejusd. Fast. lib. 2. Tandem cum utraq; urfa, major quidem clarissimis, minor non æqvè claris ac lucidis stellis conspicua sit, *septentriones* quasi septemtriones sive teriones, id est boves triturantes, aut septem stellæ plaustrorum triturantium (penes antiquos enim frumenta bobus & plaustris exterebant) audire consueverunt, & ipsa cœli plaga *septentrionalis* vocata est.

Aphor. 104. *Draco*: al. angvis, serpens, Hesperidum custos, *Wilb. Schickardo* Draco infernalis, *Schillero* Sancti Innocentes, *Gramineo* Saxonia & reliquæ boreales Germaniæ partes, Ecclesiam Romanam inferantes &c: est asterismus borealis, inter utramq; ursam interjacens, atq; ultra triginta stellas, quarum una tantum, quæ flexuram proximè sequi-



Fig. IV.





tur, secundæ magnitudinis est, comprehendens. Nonnulli Poetarum fabulantur de hoc sidere; Draconem fuisse pomorum, in nemore aurifero filiarum Hesperii custodem, quem Hereules interfecerit, occisum vero Iuno in cœlum evexerit. Alii fabulantur Gigantes objecisse Minervæ Draconem hunc, quando cum iisdem gerebat bellum, Minervam autem arreptum Draconem & contortum ad sidera jecisse, itaq; eum hoc ipso tempore adhuc implicato corpore videri, ut nuper ad sidera relatum. Situm asterismi huius eleganter expressit *Virgilius* L. I. Georg.

Hic vertex nobis semper sublimis, at illum

Sub pedibus Styx atra videt, manesq; profundi.

Maximus hic flexu sinuoso elabitur angvis

Circum, perq; duos in morem fluminis Arctos.

Aphor. 105. *Bootes* al. *Ἀρκτοφύλαξ* German. der *Beerenhueter* / *Schickardo* Nimrod, Hefychio Orion, *Schillero* S. Sylvester &c, est asterismus

D

Borea-

Borealis, octodecim à Tychone, viginti duas à Bayero observatas stellas comprehendens, de quo Poetæ referunt, uti Jovis è Callisto filius & Lycaonis Arcadiæ Regis nepos fuerit, Jovi ab Avo loco ferculi appositus. Fulget in hoc sidere circa vestis fimbriam primæ magnitudinis stella, quæ olim informis erat, eandemq; communiter *Arcturum*, vocant (ursæ caudâ latinè diceret) atq; hæc stella ob martialem colorem & effectus quos eidem tribuunt Astrologi, vulgò horrenda dicitur. *Plautus* certe in *Rudenti* *Arcturum* introducit sequentia tonantem:

Arcturus signum sum omnium acerrimum

Vehemens sum exoriens, cum occido vehementior.

Credo respexisse Veteres ad anni tempestatem, quæ obtinet *Arcturò* oriente & plerumq; hominibus adversa est, autumno enim *Cosmicè* oriebatur Veteribus; *Clavem* suppeditat *Virgilius* L. 1. *Georg.*

ergo

Fig.v.



Tempus
Fecit
Pater
de
dicitur
Hic
Ceterum
an deni
rum non
mi expli

ergo age , terra

Pingue solum primis ex templo à mensibus anni

Fortes invertant tauri : glebasq; jacentes

Pulverulenta coquat maturis Solibus aestas.

At si non fuerit tellus fecunda, sub ipsum

Arcturum tenui sat erit suspendere sulco :

Illic, officiant latis ne frugibus herba ,

Hic, sterilem exiguus ne deserat humor arenam &c.

Cæterum an per עֵשׂ Job, 9, 9. an vero per כְּסִיר Amos V, 8. Jer.

13, 10. an deniq; per בִּימָר Job, 9, 9. Amos V, 8. Arcturus intelligatur,

nostrum non est definire. Veritati quam proximè accedere videtur Hiero-

nymi explicatio , qui per עֵשׂ intelligit Arcturum , per כְּסִיר

Orionem & per **כימור** Hyades, nisi quis per **עש** plaustrum, quasi congregationem septem stellarum, à rad. **עש** intelligere cum Aben-Esra mallet. V. Buxtorf. Lex. majus. Schickard. Astroscop. p. 33.

Aph. 106. *Coma Berenices* alias **τεῖχες**, manipulus spicarum, Schillero flagellum Christi, Harsd. *Coma Absalonis* 2. Sam. 14, 26. est asterismus borealis, in quo quatuordecim stellas numerat Longomontanus, I. 3^{tiæ} magnitudinis, 12. quartæ, & I quintæ. **Αράσπασις** hujus sideris recentior est & communiter Cononi accepta fertur, quem in Italia observasse Ptolomæus de Apparentiis autor est. Occasionem allegant hanc: Berenices uxor Ptolomæi Evergetis vovit, si maritus ex Asia victor rediret, detonsuram sibi crinem & Veneris in templo appensuram, quod cum præstitisset & postridie non apparuisset, Conon Mathematicus, ut solaretur Regem, ostendit crinem inter sidera collocatum. Meminit hujus rei Ca-

tullus in Carmine de Coma Berenices, situm insuper ejusd. eleganter
indicans:

*Ludit ubi vario ne solum in lumine cœli
Aut Ariadneis aurea temporibus
Fixa corona foret, sed nosq; hœc fulgeremus
Devota flab: verticis exubie
Vividulo à statu cedentem adtempla Deum me
Sidus in antiqvis diſa novum poſuit.
Virginis & ſævi contingens namq; Leonis
Lumina, Calliſto juxta Lycaonida,
Vertor in occaſum tardum Dux ante Booten,
Qvi vix ſero alto mergitur Oceano &c:*

Aph. 107. *Corona Septentrionalis*, al. prior, Vulcani, Theſei,

Ariadnæ, Schillero Corona Spinea Christi, Dn. Harsdorf, Corona Estheræ, Esth. 2, 17. &c. est asterismus borealis, octo stellis, à Tychone observatis, micans, inter quas lucidior, quæ secundæ magnitudinis est, Gnosia, id est Cretensis (à Gnoso Cretæ oppido) vocatur, eandemq; ad sationis legitimum tempus observabant Veteres, ita enim *Virgilius* L. I. Georg.

Ante tibi Eoa Athlantides abscondantur,

Gnosiaq; ardentis decedat stella corona,


Debita quàm sulcis committas semina, quàmq;

Invita properes anni spem credere terra &c.

De ejusdem *ἀνὰ σῶρος* Poetæ sequentia fabulantur, Vulcanum, ajunt, insigni artificiò fecisse coronam hanc, eandemq; Veneri donasse, Venerem porro eandem Ariadnæ, Minois, Cretensium Regis, filia muneris loco obtulisse, Ariadnam vero à Theseo desertam Baccho nupfisse, à quo corona
inter



Fig. VI.



per alit
m. f.

An
Sid
Im
Du
Co
S
T. ejusc

Ap
Trio
Stuckara
obervay

inter astra collocata sit. Refert paulo aliter ἀράσπασιν hanc Ovidius L. VIII.
Metam. fabul. 2. quando canit.

*deserta & multa querenti,
Amplexusq; & opem liber tulit, utq; perenni
Sidere clara foret, sumtam de fronte coronam
Immisit cœlo: tenues volat illa per auras:
Dumq; volat, gemma nitidos vertuntur in ignes:
Consistuntq; loco, specie remanente corona,
Qbi medius nixiq; genu est, anguemq; tenentis.*

Vid. ejusd. Fastorum L. III.

Aphor. 108. *Hercules*, alias Ερῳόνας s. in genibus, Ingeniculus,
Vitrubio prociduus, *Julio Schillero*, triga Regum s. Magorum; At
Schickardo Samson dictus, est asterismus borealis, in quo 28. Stellas Tycho
observavit, omnes 3tæ, 4tæ, 5tæ & 6tæ magnitudinis, unam insuper nebu-

lofam. Fingunt Poetæ Jovem suum ex Alcmena filium hunc ob præ clara facinora & imprimis occisum Draconem inter astra collocasse, ut habitudo pugnantis sit, symbolum vero victoriæ, poma aurea, in altera gestet manu.

Aphor. 109. *Lyra*, alias vultur cadens, testudo, cythara, *Schillero* præsepe Salvatoris, Dn. Harsd. *Lyra* Davidis 1. Sam. 16, 23. &c. est asterimus borealis, in qvo *Longomontanus* ē Tychonis observatione undecim stellas numerat, inter quas una præ reliquis conspicua est, primæ magnitudinis, *Lucida Lyra*, fidicula, item λαμπρὸς ἀστὴρ dicta. De hujus ἀναγνώσει in Poetarum scriptis legimus, uti Orpheus Calliopes & Apollinis filius à patre *Lyram* acceperit, eâq; tantum valuerit, ut sylvas & saxa ad motum *lyræ* suæ traxerit, imo conjugem à serpente occisam à Diis infernalibus, permoris *Lyra* suæ svavitæte, receperit; eam vero postquam denuò *Orpheus* amiserat, addunt Poetæ, eum conjugis infensum fuisse, atq; ideo à
 Mana-



Fig. VII.

Amadibus
perpetuum Ly
Indici Virgil
Nec mo
Obloq
Jam
Amisui iter
Al lyra
Sidera
Omne
Fecit
Hinc
Tunc
Et rap

Mænadibus inter Bacchi sacrificia, juxta Hebrum fluvium, occisum & dis-
cerptum, Lyram vero in cælum translatam esse. Meminit mirifici istius
Musici *Virgilius* L. VI. *Æneid.* infernalem describens pompam:

Nec non Threicius longa cum veste sacerdos

Obloquitur numeris septem discrimina vocum:

Jamq; eadem digitis, jam pectine pulsat eburno. &c.

Manilius item de Lyra habet sequentia:

At lyra diductis per cælum cornibus inter

Sidera conspicitur, quâ quondam cæperat Orpheus

Omne quod attigerat cantu; Manesq; per ipsos

Fecit iter, domuitq; infernas carmine leges.

Huic similis honos similisq; potentia cause

Tunc sylvas & saxa trahens, nunc sidera ducit

Et rapit immensum mundi revolvibilis orbem.

Aphor. no. *Cygnus*, Obidio Milvius, Ptolomao Gallina, Schickardus Crux Christi, Schillero crux cum S. Helena, est asterismus borealis, 18. stellis ordinariis, à Tychone observatis, constans, inter quas ea, quæ in cauda conspicitur, secundæ magnitudinis est, reliquæ omnes minores sunt. Poetarum commentum est Jovē in formam cygni, ab aquila pene oppressi, Ledam Tyndari Reges filiā decepiſſe, & in hujus rei, sibi gratissimæ, sempiternam memoriam cygnum inter astra collocasse. In hoc asterismo, circa pectus cygni, annō Christi 1600 nova apparuit stella, quam ad annum usq; 1621 conspicuam fuisse, Ricciolus refert; Meminit ejusdem, Schickardus in Astroscopio p. 6.

Aph. III. *Cepheus* al. Dominus Solis, flammiger, vir regius, Schillero S. Stephanus, Dn. Harsdorf. Salomon I. Reg. I. 39. &c. est asterismus borealis exiguis constans stellis, quarum non nisi quatuor in Catalogo Longomon-

chicks
ealis, l
e in cu
res sun
fi, Leda
icerna
ra ped
usq; t
dus in

ius, Sch
sterism
logolo
goma



Fig.viii.

unv. p. 17

monstrati o
regum e l
m, Cassiope
ponitur)
res sua ara
reidibus,
formae pra
se deabus
ita. Hinc
m atq; vi
stra insup
no aut eti
q; vastita
m, ubi ha

gomontani observatæ extant. Cœterùm de hujus & sequentium nominũ
ἡ κασιόπεια è Poetarum scriptis Nobil. *Tycho* Progymn, L. I. sequentia re-
 fert, *Cassiopea, Cephei Æthiopum Regis* (qui etiam inter sidera illi à tergo
 apponitur) uxor fuisse fertur , tanta formæ venustate, ut non solum o-
 mnes suæ ætatis fœminas pulchritudine suâ antecelluerit, sed etiam cum
 Nereidibus , Nymphis marinis, adeoq; cum Junone ipsa, ut alii referunt,
 de formæ præstantia contendere ausa sit, nimiaq; sibi ipsi placēs arrogan-
 tiâ, se deabus præferre, atq; præ eleganti specie eas contemnere præsum-
 serit. Hinc factum est, ut Nereides vel Juno id ægrè ferentes ingens o-
 dium atq; vindictæ cupiditatem adversus Cassiopeam conceperint , quæ
 frustra insuper admonita eum adhuc suam indignitatem non agnosceret,
 Juno aut etiam Nereides à Neptuno impetrarunt , ut immanem ingen-
 tisq; vastitatis & horribilem aspectu, Bestiam marinam cœtum in Regio-
 nem, ubi habitabat, impelleret, qui agros & ædificia ruralia devastans, ma-
 gnâq;

gnaq; calamitate incolas afficiens, ne quidem ab ipsis civitatibus tempe-
 rabat, vastitate corporis & has prostrernere aggressa. Quâ poena & cala-
 mitate expavescens Cepheus, mactatis de more hostiis, consultôq; oracu-
 lô, causas tantorum malorum, liberationisq; modum sciscitatus est. Re-
 sponsô acceptô, Cassiopes superbam temeritatem hanc ultionem prome-
 ritam, neq; expiari posse, nisi unica Filia Andromeda monstro devoranda
 scopulis alligetur. Quo intellectu tristis quidem parens, at Regioni toti
 consulere satius ducens, filiam prope Joppen Æthiopiæ civitatem saxis
 exponi, constringiq; permittit. Verum Diis virginem immeritam com-
 miserantibus, indignamq; lanienam avertentibus, contigit ut Perseus
 cum capite Medusæ illac iter faciens bestię adventanti, & jam jam deglu-
 tituræ sese opponeret, monstratisq; anguib; Gordoneis partem ejus in
 lapidem converteret, alteram ense, quem manu tenuit, dissecans; Sicq;
 Liberatam Andromedam, insciô utroq; parente in uxorem duceret. Cum
 itaq;

icitatibus
a poena &
insultōq;
citatus est
tionem p
astro dev
s, at Regi
civitatem
meritar
ntigit ut
& jam jam
is partem
dissecans
em ducere

Fig. IX.








Fig. x.

Regni d
Fillag
de Ethio
is in scripto
sibus, ve
per hac ra
no & fam
nient, v
Abba
ena, Gra
na bore
nis, reli
ano 1572
appat

itaq; Regni Æthiopici primordia jecerit Cepheus, cujus uxor fuit Cassio-
pea, Filiaq; Andromeda & ejus maritus Perseus, essetq; horum historia
apud Æthiopes celebris, ut hæc quoq; foret perpetua, eorum nomina a-
stris inscripserunt, Regis & reginæ una cum filia & Genero memoriam
sideribus, versus Polum Boreum, quasi in unum cœli tractum conjun-
gentes, ut hac ratione illustrior esset, primorum regni Auspicatorum recor-
datio & fama, diutiusq; perseveraret, quam si vel membranis annales hos
illinirent, vel etiam marmoribus ac saxis insculperent.

Aph. 112. *Cassiopea* Al. Sella, cathedra, thronus, *Schillero* S. Maria Mag-
dalena, *Gramineo* Romana Ecclesia, *Dn. Harsdorf.* Bathseba &c. est asteri-
smus borealis, in quo Tycho 45 observavit stellas, paucas tertiæ magnitu-
dinis, reliqvas minores. Celebris perquam constellatio hæc facta est, ab
anno 1572 ad 5. Id. Novembr. quo tempore nova stella, veneris luci ab ini-
tio apparitionis parum cedens, in hoc asterismo conspecta est, & anno

1574 mense Martiô iterum evanuit, de quo cœli portento prolixè Nobilissimus Braheus in Progymnasmatum libris egit, atq; eodem dubio procul, uti ab aliis, ita præprimis à superbix vitio, mortales dehortari voluit Deus; Cassiopea enim, uti ex parte jam antea dictum est graviter à superis punitæ ambitionis exemplum exhibet, indecorè capite resupinò oriens, filiquastro insidens, & arundinem, levitatis hieroglyphicum, in manu tenens.

Aph. 113. *Auriga*, al. Erichtonius, custos caprarum, Myrtilus, *Schill.* S. Hieronymus, *Dn. Harsd.* Jacobus Patriarcha è *Gen. 30. 36. &c.* est asterismus borealis, in quo *Tycho* novem tantum Stellas numerat, *Bayerus* vero plures. Quæ in sinistro humero maximè fulget, primæ magnitudinis est & *Capella* dicitur, quæ verò in dextro humero conspicitur, quæ ærem in dextro pede, intuitu sphaeræ convexæ, & communis est cum cornu *Tau.*

Tauri boteo, secundæ magnitudinis sunt. Uti Erichtonius Vulcani filius fuerit, è semine ejusdem, Minervam complectentis, in tertam prolapsus genitus, indicat *Obidius* L. 2. *Metam. Fab. X.* vocans Erichthonium, *Palladis prolem sine matre creatam*; Aurigæ vero cognomentum habere dicitur, quod primus inter homines eqvos quadrigis, ad imitationem Solis, jungere docuerit, unde *Festus Avienus* ex Arato de eodem cecinit:

Ille impiger autem

Pulcher Erichtonius, currus & quatuor olim

Junxit eqvos &c.

Cæterum quam primæ magnitudinis stellam capram vocari dixi, eadem Capella Olenia, Amalthea &c. vocari consuevit, quam Jovis nutricem fuisse, & eo tempore geminos hœdos habuisse, antiqua est fabula, expressa à *Germanico Cesare*, cum Nautarum observatione quadam:

Numi

Numina præterea secum trahit ; una putatur
 Nutrix esse Jovis , si vere Jupiter infans
 Ubra Creteæ mulset fidiſſima Capræ :
 Sidere quæ claro gratum te geſtat alumnus ,
 Hanc auriga humero totam gerit : at manus hædos
 Oſtendit , nautis inimicum ſidus in undis .
 Orbis ab Oceano celfus rapit ; Hanc ſemel hædi
 Faſtatam videre ratem , nautasq; paventes ,
 Sparsaq; per ſævos morientum corpora fluctus .

Aph. 114. *Perſeus* , al. *Inachides* , *Cylleneus* , *Schickardo* David,
Schillero S. *Paulus* &c. eſt aſterismus Borealis , cujus 29 ſtellas , à ſe & Ty-
 chone obſervatas , recenset *Longomontanus* , quarum una ſecundæ magni-
 tudinis eſt , In ſiniſtra manu caput *Meduſæ* , communiter *Algol* , *Schi-*
ckardo

ckardo caput Goliath dictum, tenet, cujus lucidissimam secundæ magnitudinis æstimarunt *Ptolemaeus & Bayerus*, *Tycho* autem, *Longomontanus* & *Ricciolus* tertii honoris eam esse dicunt. Atq; hæc una è primariis stellis est, quas observant in Judiciis nativitatum, quæ item ab infausa significatione *Cacodæmon* dicitur. Poetarum de hoc Asterismo fabula est: *Medusam*, ob libidinem & *Veneris* immoderatum desiderium, acerbissimam Deorum iram in se concitasse, cum in ipso *Minervæ* templo *Neptunum* passa sit. Itaq; ob violata sacra, iratam Deam comam primùm *Medusæ*, *Neptuni* delicias, in serpentes convertisse, deinde dedisse eidem hanc vim, ut quicumq; illos aspicerent, in *Lapides* conversi sint. Enimvero ingenti hominum strage editâ, *Perseum*, *Jovis Danaesq;* filium, ad eam obtruncandam missum esse, qui acceptis à *Mercurio* talaribus & falcato ense, à *Pallade* scuto, & *Pegaso*, ut nonnulli addunt, insidens nocuum *Medusæ* caput, in speculo adversus intuens, unicò ictu amputasse &c.

E

Aph.

Aphor. 115. *Triangulum*, alias Deltoton, triplicitas, Ægyptus, Schill. mitra Petri, Dn. Harsd. S.S. Trinitas est asterismus borealis, in quo quatuor stellas observavit è Tychone Longom. quartæ magnitudinis & unam quintæ, *Bayerus* unam sextæ magnitudinis addidit; De quibus *Germanicus*:

*Tres illi Laterum ductus, æqvata duorum
Sunt spatia, unius brevior, sed clarior ignis.*

Communis opinio est, Mercurium signum, sibi alias proprium, Arietis capiti imposuisse, ut primum Zodiaci Sidus, obscurum alias, magis conspicuum redderetur. Alii hunc signum primam literam vocis *Διός* indicari afferunt. Alii Nilum, alii Siciliam, alii tres orbis partes veteribus cognitæ hunc asterismo indicari perhibent. *Vid. Julii Hygini Poet. Astronom.*

Aph. 116. *Andromeda*, aliàs Persea, virgo devota, mulier catenata


Schill.

Egypt
is, in
linis
ribus

Arietis
gis con
ndican
ous cog
Astrom
r caten
Se



Fig. XI.



...dero S
...bore
...cras
...t. ag
...guli au
...ntea
...p
...eroph
...est af
...tor f
...fueri
...ore p

Schillero Sepulchrum Christi, *Dn. Harsdorf.* Abigail 1. Sam. 30, 5. est asterismus borealis, 27 à Tychone & Longomontano observatis stellis fulgens, inter quas tres secundæ magnitudinis sunt, & prima quidem extat in capite, atq; cum Pegaso eam Andromeda habet communem, altera in parte cinguli australi conspicua est, tertia in australi pede. De ἀναστροφή dictum est antea.

Aphor. 117. *Pegasus*, al. Gorgoneus, Medusæus, Equus major, Bellerophonteus, *Schil. S. Gabriel. Arch. Dn. Harsd.* Rex Babyloniz Jer. 4, 13. est asterismus borealis, 20. insignioribus micans stellis, inter quas quatuor secundæ magnitudinis sunt, quadratum exhibentes. *Pegasus*, quis fuerit, non conveniunt Poetæ, benè tamen in eo, quod celerrimè se movere potuerit, uide *Seneca* in *Troad.*

*Quicquid Sol oriens, quicquid & occidens
Nobis: cœruleis Oceanus fretis*

E 2

Quic-

*Quicquid vel veniens, vel fugiens lavat,
Ætas Pegasæo corripit gradu.*

Communis Mythologorum sententia est, Pegasum ἀπὸ τῆς πηγῆς dictum esse, eo, quod juxta fontes Oceani, ubi Gorgones habitabant, natus sit, sive à Parentibus Neptuno & Medusa, sive ex Medusæ, à Perseo occisæ, sanguine. *Euripides* vero annotat Menalippen, Chironis filiam, repræsentare asterismum hunc ideo, quod gravidam & à patre sibi timentem, in bestiam mutarint Dij, inferioribus carentem partibus, ob fœminei sexus pudorem. Aliorum relatio est, Bellerophontem, in expeditione adversus Chimæram, equò hoc usum esse, Bellerophonte autem, qui cælum ipsum ascendere meditabatur, occisò, Pegasum inter astra collocatū esse. Ab aliis additur, Pegasum Caballinum Musarum fontem in Helicone, ungulā in sexum allisa aperuisse: De eodem *Ovidius* ita cecinit; Fastor. L, III.

Creditur




Fig. XII.





Fig. XIII



*Creditur hic caesa gravidâ ceruice Medusæ
 Sanguine respersis prosiluisse comis.
 Huic supra nubes Et subter sidera lapsa
 Cælum pro terra, pro pede penna fuit:
 Jamq; indignanti nova fræna receperat ore
 Cum levis Aonias ungula fodit aqvas,
 Nunc fruitur cælo, qvôd pennis ante petebat,
 Et nitidus stellis qvinq; decemq; micat.*

Aphor. 118. *Equuleus*, aliàs sectio equi, equus prior, *Schill.* rosa
 mystica, est asterismus borealis, qvatuor constans stellis, omnibus 4tæ ma-
 gnitudinis; Eum à Pegaso habere nomen, palam est.

Aph. 119. *Delphinus*, al. vector Arionis, Musicum signum, *Cice-
 roni* currus, Rhomboides, *Schill.* hydriæ Cananæ, *Dn. Harsdorff.* Del-
 phi-

phinus Davidis e *Psal.* 104, 26. Nautis Simon &c. Est asterismus borealis in quo 10 Stellas numerant *Tycho*, *Longomontanus*, & *Bayerus*, 5 3tæ magnitud. 1. quintæ & quatuor sextæ. Tradunt nonnulli, hunc esse Delphinum, qui Arionem, celeberrimum citharoedum, à servis in pelagus projectum, transvexisse & servasse dicitur.

Aphor. 120. *Sagitta*, alias telum, arundo, canna, temo meridianus, *Ciceroni* Musator, *Schickardo* telum Jonathæ, *Schill.* Lancea, quâ Salvator tranfixus, est asterismus borealis, cui *Tycho* & *Longomontanus* quinque Stellas tribuunt, 3. quartæ, unam quintæ & unam sextæ magnitudinis, *Bayerus* verò addidit tres stellas alias, itidem sextæ magnit. Fingunt Poetæ Herculis hoc telum esse, quô aquilam, quæ Promethei consumebat jecur, jussu Jovis occidit.

Aphor. 121. *Aquila*, al. Jovis ales, vultur volans, Ganymedis raptrix



Fig. XIV.

Scholastica A
 borealis in q
 secunda
 duas
 zodiaci zq
 L
 96 a
 Cui r
 Pern
 Jup
 tant esse
 redisse d
 Apher
 pars d

ptrix, *Schickardo* Aquila Imperii Romani, *Schill. S.* Catharina, est asterismus borealis, in quo 12 Stellæ *Tycho & Longomontanus* numerant, unam in scapulis secundæ magnitudinis, 4tuor tertiæ magnitudinis, tres quartæ, reliquas duas sextæ magnitudinis. Tradunt nonnulli asterismô hóc repræsentari æquilam, quæ dicitur Ganymedem rapuisse, Joviq; attulisse, de qua *Horatius* L. 4. Od. 4.

*Valem ministrum fulminis alitem
Cui rex Deorum regnum in aves vagas
Permisset, expertus fidelem
Juppiter in Ganymede flavo &c:*

Alii putant, esse æquilam illam, quæ Promethei, ad Caucasum alligati, viscera exedisse dicitur.

Aphor. 122. *Antinous*, al. Ganymedes, virunculus, *Schill. S.* Catharinæ pars &c: est asterismus borealis, à recentioribus Astronomis ad-

ditus, in quo non nisi tres stellas observavit *Tycho*, omnes tertiæ magnitudinis, *Keplerus* autem & *Bayerus* Plures addiderunt. Cæterum uti *Bythinicus* quidam puer, *Antinous* vocatus, *Adriano* Cæsari perquam gratus fuerit *Pausanias* refert, & ab eodem dici asterismum hunc, *Ricciolus* opinatur. Uti vero *Ganymedes*, *Trois* Regis Filius, ad *Jovis*, eum depereuntis, mandatum, ad *Idam* montem, ab aquila in cælum raptus, & miscendo nectari præfectus sit, refert *Obidius* L. X. *Metamorph.* fab. V. ejusdemque fabulæ *Virgilius* L. I. *Æneidos* mentionem facit, quando *Junonem* *Trojanis* infensam fuisse refert:

manet altâ mente repositum

Judicium Paridis, spretæq; injuria formæ,

Et genus invisum, & rapti Ganymedis honores.

Aphor. 123. *Ophiuchus*, al. *Asculapius*. *Serpentarius*, *Schickardo* *Paulus* *Act.* 28, 7. *Schill.* S. *Benedictus* inter *Spinas*, &c. est asterismus borealis

tiæ mag
m uti B
quam gra
ceiolus op
depereun
& misce
eiusdem
onem Ta

us, Schick
erilmus



Fig. XV.

lis, in quo T
pigitur, à n
ben & Ricci
es asterismi
am, magnit
em accurat
serpentario,
Eculapius
am & mort
pluerit, usu
riopam Th
Cereris &
turnnam
am transla
mipiciatu

alis, in quo *Tycho* numeravit 15. Stellas, *Bayerus* plures. Quæ in Capite conspicitur, à nonnullis pro stella 3tix magnitudinis æstimatur, *Bayerus* tamen & *Ricciolus* eandem secundi ordinis esse volunt. Præter ordinarias hujus asterismi stellas, apparuit annò 1604 d. 9. Octobr. extraordinaria quædam, magnitudine apparente Veneris exæquens sidus, Cujus descriptionem accuratam præprimis apud Keplerum, in tractatu de nova Stella in serpentario, videre licet. De ἀσπερώσι Ophiuchi, hæc ferè referunt: Fuit Æsculapius Apollinis & Coronidis filius, arte Medicâ præ aliis pollens, cum & mortuos revocare in vitam & semimortuis sanitatem restituere valuerit, usus herbâ, ab angue sibi ostensa. Alii fingunt, Ophiuchum Triopam Thessalorum Regem fuisse, qui ob sacrilegium, in everfione templi Cereris & ædificatione Palatii Regii ex illius ruderibus, commissum, ad diuturnam famem damnatus, tandem verò à serpente occisus, & in cœlum translatus sit, unde adhuc hodiè circumplexatus serpentis amplexû conspiciatur.

Aph. 124. *Serpens Ophiuchi*, al. Coluber, angvis, angvilla, ὄφις, Dn. *Harsdorf*: serpens à Mose in deserto exaltatus *Num. 21, 9.* &c: est asterismus borealis, in quo 13 Stellas *Tycho*, 29. autem *Bayerus* numerat, inter quas ea, quæ in medio nexu colli conspicitur, secundæ magnitudinis æstimatur, reliquæ omnes minores sunt. De ἀναστροφή ejus antea dictum est.

Aphor. 125. Asterismis Borealibus succedunt *Zodiacales*, qui alias καὶ ἐξοχήν Duodecim signa vocari solent. Horum primum est *Aries*, alias Vervex, Dux Gregis, *Schickardo* Aries Abrahami, *Schill.* S. Petrus, Arabibus Hammel, Germ. der Wieder &c. In hoc asterismo 21. Stellas observavit *Longomontanus*, quas inter ea, quæ in vertice capitis lucida est, præreliquis observari debet; Etiam si enim quantitate usq; adeo conspicua non sit, quippe quæ æstimatur communiter tertiæ saltem magnitudinis, à solo *Ricciolo* secundæ, aut mediæ, inter primam & secundam magnitu-



Fig. XVI

intrinsecum, usu
marinus est, cum
applicatus sit, de quo
etiam refert Ovidius
et hunc aureum
fuisse, cui in
Sotias, Phryxum
et, quod habe
implendere p

Littor

Tre.

gnitudinem, usus tamen ejusdem in observationibus Astronomicis primarius est, cum ab eadem Tycho distantias reliquarum in longitudinē auspicatus sit, de quo videatur ipse tom. 1. Progym. p. 194, 226. *Ανάσσωσιν* Arietis refert *Obidius* L. 3. Fastor. circa finem. Scil. communis fabula est, Arietem hunc aureō vellere splendentem, ex Neptuno & Theophane genitum fuisse, cui insidens Phryxus, Athamantis filius, vix novercæ evaserit insidias, Phryxum vero salvum Arietem hunc immolasse Superis, detractō prius, quod habebat antea, aureō vellere, unde in cœlum translatus, parum splendere potuerit: Exprimit id *Obidius* verbis sequentibus:

Littoribus tactis aries fit sidus: at hujus

Pervenit in Colchas aurea lana domos.

Tres ubi Luciferos veniens præmiserit Eos:

Tempora nocturnis æqua diurna feret,

Alii putant, ab Arietè denominari hoc sidus, quod sicuti aries calidioris naturæ est, ita Sole in arietem ingressò, calor paulatim intendatur & æstus cum hyberno frigore commutetur.

Aph. 126. *Taurus*, aliàs bubulum caput, portitor Europæ. *Schill.* S. Andreas, *Dn. Harsdorf*: victima *Leb. 13.* Germ. der Stier/ &c: est asteris-
mus Zodiacalis alter, in quo 43. Stellas observarunt *Tycho & Longomon-*
tanus, unam primæ magnitudinis, unam secundæ, reliqvas vero minores.
Tradunt Poetæ referre asterismum hunc Jovis figuram, quam cum Eu-
ropæ insidiaretur, induit. Alii, esse Isidem à Junone in vaccam conver-
sam, à Jove vero inter Sidera collocatam, unde *Obidius*:

*Vacca sit an taurus non est cognoscere promptum,
Pars prior apparet, posteriora latent.*

Alii verò & recentiores Scriptores alterum hoc Zodiaci signum Taurum
voca-

s calida
datur d

ropz. Su

c: est a

Longam

ro mino

am cum

am con

um Taur

vg



Fig. XVII

...can p...proed Sol
...ra ad tempore aratio

Apb. 27. Ceter
...ad pluer
...frequentis pluvia
...Lura o, cyan
...prima magnitu di
...nomen ab
...celebrab
...Kai Maji in h
...riw :

Urbi festu
Hi

vocari putant, quod Sole idem ingressō, vigeant taurorum labores, cum terra eō tempore arationi idonea sit.

Aph. 127. Cæterum in hoc signo conspicuæ sunt primò *Hyades*, sive ab *υεiv*, quod plueret significat, sic dictæ, (nam Cosmicum earundem ortum frequentes pluviae comitari solent) sive à matre hya, Oceani filia, sive à Græca Litera υ, quam situs earum referre videtur. Earum maxima, & quæ primæ magnitudinis est *oculus tauri*, *Aldebaran* & *Palilicium* dicitur, Postremum nomen ab eo habet, quod olim Paliliorum die cum Sole oriri consueverit, celebrabant enim festum hoc Romani Veteres, die XXI. Apr. seu XI. Kal. Maji in honorem Palis, agrorum Deæ, festi originem indicat *Propertius*:

*Urbis festus erat dixere Palilia Patres,
Hic primus cæpit mœnibus esse dies.*

Aph.

Aph. 128. Deinde in eodem signo apparent *Pleiades* quoq; sic dictæ ἀπὸ τῆς πλειῶν, quod ortû suô tempus navigationibus aptum definiant, five â Plione matre, quæ ex Atlante eas genuisse dicitur, unde *Atlantidum* nomen habent. Vocantur item *Vergiliae*, quia apud Romanos ver-
no tempore oriebantur) Item *massa gallinae*, Germanicè die *Gluckhenne* / (quod tunc temporis Gallinæ ovis incubare soleant, Sive quod una Lucidior sex minores vicinas habeat, uti gallina pullos suos.) Deniq; *septi-
stellium*, das Siebengestirn / quod septem stellas conspicuas hic asterismus comprehendat, quamvis sex tantum præ reliquis appareant, quod sex Atlantis filia Diis nupserint, septima vero Sisypho privato homini, vel uti alii fabulantur, quod septima Pleiadum Electra, cæteris quidem, ante excidium Trojæ, Lucidior extiterit, post vero evanuerit ; unde *Obidius* L. 4. Fastor.

Quæ septem dici, sex tamen esse solent.

Enim-

Enimverò plures,quam septem,Stellas **ibi** locorum reperiri, testantur ij,
 qvi Telescopia adhibuerunt, *Galileus* enim plures,quam quadraginta nu-
 merat, & *Ricciolus* cum *Zupo* ultra quinquaginta. Et si autem quantitate
 exigua sint hæ stellæ, in scriptis tamen non profanis tantum, sed etiam in
 Sacris Bibliis earum occurrit mentio ; Ex illis loca plurima adducit *Pe-
 tabius* Variarum differtat. ad Uran. L. 2. cap. IX. accuratè insuper de or-
 tu Vergiliarum disputans, ex his adducitur communiter *Job. XXXVIII, 31.*

*An constringes מערכות כימור delitias Pleiadum, aut lora Orionis
 dissolbes ?* B. Luth. vertit : kanstu die Bande der sieben Sterne zusammen
 binden ? oder das Band des Orion auflösen ? Vide Comment. in h. l.

Aph. 129. *Gemini*, al. Castor & Pollux, Apollo & Hercules, Tyn-
 daridæ, Pavones, *Schickardo* Jacobus & Esavus, *Schill.* S. Jacobus Major,
 Germ. die Zwillinge/ exhibent asterismum Zodiacalem tertium, constan-

tem in Abaco Tychonico-Longomontano, tribus stellis secundæ magnitudinis, quatuor tertiæ, octo quartæ, quatuor quintæ & sex sextæ magnitudinis. Poetarum commentum est, repræsentare geminos hosce Jovis & Leda susceptos filios, qui quod impensè se invicem amaverint, inter sidera appareant, ut extet in cœlo quam luculentum fraternæ concordiæ exemplum. Recentiorum quorundam opinio est, ὀνομασθῆναι rationem hanc esse, quod Sol quando in geminis versatur, maxima sit anni fecunditas, aer commodissimus, & tempus fertilissimum, connubia item & gaudia frequentissimè fieri soleant. Cœterùm à nautis imprimis Geminorum observari solet signum, quod fortunam & infortunium præfagire putant, Ita sub Fratrum Helenæ titulo, Geminos intellexit *Horatius*, Virgilio faustam navigationem apprecaturus *L. 1. Od. 3.*

Sic te Diva potens Cypri


Sic fratres Helena, lucida sidera,

Vento-

nda m
exta m
hosce
nt, inter
a conc
s rar
anni f
a item d
nis Gem
um pr
Horatius



Fig. XVIII.



Ventorumq; regat pater &c:

Et Statius L. 3. Sylvar, in Propemptico quodam:

antennæ gemino consistite cornu

Oebalii fratres, vobis pontusq; polusq;

Luceat: Iliacæ longè nimboſa ſororis

Aſtra fugate procul, totoq; excludite cælo.


Lepida vero Martini Antonii Delrii ad Hercul. fur. annotatio eſt; *Addam* quiddam, inquit, non multis notum. Hiſpani hunc fulgorem (Signa clara Tyndaridæ) S. Telmum vocant. Unde? quia S. Telmus Dominicani ordinis lumen, miræ ſanctitatis, plurimis olim navigantibus poſt obitum auxilio fuiſſe creditur &c: En Dominicanum inter ſidera & novos in terris Mythologos!

Aphor. 130. *Cancer*, al. Oſtipes, Sch. Johannes Evang. Dn. Harsdorf: Cancer militis Chriſtiani Eph. 6, 14. eſt aſteriſmus Zodiacalis quar-

tus, cui in Abaco Stellarum, quam Longomontanus ex observationibus Tychonicis potissimum edidit, adscribuntur Stellæ quindecim, quarum una tertiæ, tres quartæ, sex quintæ, quatuor sextæ magnitudinis æstimantur; Una verò, quæ in pectore cancri apparet, vulgò *Præsepe* item *Nebulosa* dicitur, quamvis non tam stella, quam stellarum compages æstimari debeat; *Galileus* enim, adhibitò Telescopiò, 36. stellulas conspexit, *Schickardus* ultra quadragenas observari posse, annotavit. Præterea duæ Stellæ, quartæ magnitudinis, quibus ex utraq; parte præsepe quasi cingitur, *ASELLI* vocantur, quod Liber, Vulcanus & Satyri asinis infidentes, adversus Gigantes, in bellum profecti sint, eosdemq; rugitû asinorum territos, in fugam dederint præcipientes, uti fabula *Eratosthenis*, ab *Hygino* repetita, habet, cui alia ab *Arato* additur, de cancro, Herculi, Hydram occidenti, infesto, sed ab eodem Hercule occiso. Cæterum Cancri nomen quartum hoc Zodiaci signum forsitan exinde habet, quod astrorum Princeps Sol ad hujus asterismi



Fig. XIX.



rismi locum pristinum delatus, Cancrorum more retrocedat, unde dubio procul veteres ansam acceperunt fingendi duas Solis & totius cœli portas, cancrum nimirum & Capricornum, per quas portas animæ de cœlo in terras meare & de terris in cœlum remeare dicebant, & unam hominum, alteram Deorum vocabant, hominum quidē; Cancrum dixerunt, quod per hunc in inferiora descensus fiat, Capricornum Deorum, quia per illum animæ in propriæ immortalitatis sedem & in Deorum numerum, reverti credebantur. Vide *Macrobiū* in somn. Scipion. L. I. c. XII.

Aph. 131. *Leo*, al. Herculejus, *Schickardo* Leo de tribu Juda, *Schil.* S. Thomas est asterismus Zodiacalis quintus, cui 30 Stellas *Longomontanus* tribuit, duas primæ magnitudinis, duas secundæ, quinque tertiæ &c: Lucidior illa, ab Ecliptica parum distans, *Cor Leonis*, *Regulus*, *Basiliſcus* &c: dicitur. Poetarum fabula est, Leonem, jussu Junonis, apud Lunam nutritum


tum, & post in Nemæam sylvam ad Herculis exitium, quod intendebat Juno, dimissum esse, Herculem vero, solâ clavâ armatum, hostem occidisse, ejusdemq; pelle pro scuto deinceps usum esse : Alii â natura Leonum nominis rationem deducunt; Nam quemadmodum Leo calidissimæ naturæ animal esse creditur, ita Sole, in hoc signo versante, maximus in his inferioribus deprehendi æstus solet, unde â *Seneca* in *Thyeste*, *Leo flammiferis æstibus ardens*, dicitur.

Aph. 132. *Virgo*, al. Erigone, Astræa, Fortuna, Justitia, Spicifera Dea, *Schickardo* & ante eum *Albumasari* Arabi Maria, *Schill.* S. Jacobus minor, est asterismus Zodiacalis sextus, secundum abacum Longomontani triginta tribus stellis micans, quarum quæ primæ magnitudinis est, *Spica Virginis*, *Arista*, *azimech*, vocari solet, quæ vero in ala dextra borealior est, secundæ magnitudinis, *Vindemiatrix* appellari consuevit, *Gemino* in Element. Astron. $\pi\epsilon\sigma\tau\epsilon\upsilon\gamma\eta\tau\epsilon\varsigma$ dicitur, ideò, quod hâc stellâ oriente, tempus

vin-



Fig. xx.



in dem
men die
lob. re
undam

A

T

D

teru
mens

vindemiæ appropinquat in Græcia, nam ejusdem ortum ad X. Evcto-
meni diem idem refert *Geminus*, cap. XVI. quem mensem nostro circiter
Octob. respondere, alibi dictum est. Recordor nunc, quæ de Vindemiatore
quondam penes *Obidium* legi, Faſtor. L. III.

non effugiet vindemitor, hoc quodq; cauſam

Unde trahat ſidus, parva docere mora eſt.

Ampelon inſonſum Satyro Nymphæq; creatum

Fertur in Iſmariis Bacchus amaffe jugis.

Tradidit huic vitem pendentem frondibus ulmi

Quæ nunc de pueri nomine nomen habet.

Dum legit in ramo pictas temerarius uſas

Decidit: amiſſum Liber in aſtra tulit.

Coeterum de ipſius Virginis aſteriſmo alii tradunt, repræſentari eodẽ *Ce-
rærem*, ideò quod ſpicas teneat, alii Jovis & Themidos filiam hanc eſſe, *Ju-*

stiliam dictam, quæ eò tempore in terris obambularit, quò aureum durabat seculum, eòdemq; finitò in ecclum recesserit; quò referri debent illa Poetarum loca; *Obid.* L. I. *Metam.* (non Virgilii ut per incogitantiam Ricciolus scripsit.)

Ultima Cœlestium terras Astra reliquit.

Virgilij, ἀποκαταστάσεως felicissimæ describens tempus, *Ecl.* IV.

Magnus ab integro seclorum nascitur ordo.

Jam redit Et Virgo, redeunt Saturnia regna.

Alii tamen sunt, qui Erigonem Icarij filiam fuisse annotant, Patris necem suò comitantem suspendiò, atq; ideo, ob amorem nempe quo parentem prosequeretur, inter sidera collocatam. Tandem physica ratio hæc allegari posset: Quemadmodum virgo


Jam matura viro, jam plenis nubilis annis

apta est generationi; ita Sole in Virgine versante, omnis generis fruges maturescunt.

Aph.



Fig. XXI.



Clard
cunc
lance
a, q
hij C
ers a
m d
m
rale

Aphor. 133. *Libra*, al. Chelæ, Jugum, *Schillero* S. Philippus, *Dn. Harsd.* libra Belfazaris Dan. V, 27. &c. est asterismus Zodiacalis septimus, secundum Tychonis observationes decem stellis micans, quarum quæ in Lance utraq; conspicuæ sunt, secundæ magnitudinis æstimantur, una tertiæ, quatuor quartæ, duæ quintæ & una sextæ. Notatu dignum est, post *Julij Cæsaris* mortē, in signo hoc, Cometam apparuisse, quem idololatræ gens animam Cæsaris putabat esse. Unde vero ἀνίσταται Libræ sit, jam dicemus. Hoc in locō scire sufficit, formam hujus asterismi libræ non abfimilem esse, Solem item, quando in hoc signo versatur, diem nocti æqualem, ac si certâ staterâ libraret, efficere; Unde *Virgilius*:

Libra die somniq; pares ubi fecerit horas,
Et medium luci atq; umbris jam disidit orbem;


Aph. 134. *Scorpius*, al. ut *Ciceroni* Nepa, *Manilio* Cancer, *Schickar-*

do Scorpius Rehebeam, Schillero S. Bartholomæus, est asterismus Zodiacalis octavus, cujus decem, Stellas tantum Tycho observare potuit, unā primæ, magnitudinis, unam secundæ, duas tertiæ, quatuor quartæ, & duas quintæ, Bayerus verò 24 annotavit. Quæ primæ magnitudinis & lucidissima hujus asterismi est, *Cor Scorpij Arab. Antares* dicitur, & ratione influxus in hæc inferiora, Marti maligno prope par habetur. De Scorpio Poetæ referunt, fuisse eum pudicitie Dianæ vindicem, cui vim inferre Orion conatus sit, occisus venenatō ictū Scorpij. Alij hoc nomine octavum Zodiaci signum idē venire putant, quod Sole, in eodem existente, tempestas varia, pestilentesq; morbi frequentiores esse soleant. A *Macrobio* Saturn. L.I.c. XXI. nominis ratio hæc adducitur. *Scorpius totus, in qvō libra est, naturam Solis imitatur; qvī hyeme torpescit, & transactā hāc, aculeum rursus erigit, & suā nullum naturæ damnum ex hyberno torpore perpeſā.*

Aph. 135. Cœterum non abs re erit notasse hoc loco, veteres Mathematica-

Fig. XXII.





thematicos Scorpionem fecisse duplicem , Libram enim ignorarunt olim, undecim signa tantum numerantes , & scorpioni tributis sexaginta partibus, unde stellæ illæ, quas hodiè Libræ adscribimus , apud veteres Chelas Scorpii faciebant , quò sensû *Manilij* illud intelligendum est:

Scorpius in libra consumit brachia &c.

Et *Ovidius* Lib. 2. *Metam. fab. I.* canit:

Est locus in geminos ubi brachia concavat arcus

Scorpius, & cauda, flexisq; utring; lacertis

Porrigit in spatium signorum membra duorum.

Putant verò Poetæ, novum hoc signum, Libræ scilicet, *Casarem Augustum* referre, secundum illud *Virgil. L. I. Georg.*

Anne novum tardis sidus Te mensibus addas,

Qua locus Erigonem inter chelasq; sequentes

Panditur : ipse Tibi jam brachia contrahit ardens

Scorpius & cæli iusta plus parte relinquit.

Ait Pœta, Scorpium relinquere Cæsari locum Libræ. Unde & alius Poëtarum: *Et Libram, quæam Cæsar habet.* Josephi Scaligeri opinio est, alludi ad Natalem Cæsaris Augusti, Sole in principio Libræ constitutô, IX. scilicet Kal. Oct. *Serbius* putat, indicari commentô hóc Augustum & *fortem* fuisse, ob Scorpium, ♂ domicilium, & *justum* propter Libram, & *Prudentem* propter vicinam Virginem, id est Mercurij domicilium.


Aph. 136. *Sagittarius*, al. arcitenens, Centaurus, Chiron, Semivir *Schill*, S. Matthæus, *Dn. Harsdorf*. Ismael Gen. 21, 20. &c: est asterismus Zodiacalis nonus, splendens è veterum, eorundemq; in locis meridionalioribus degentium, calculo, 31 stellis, quarum 2. secundæ, 9 tertiæ, 9 quartæ, 8 quintæ, 2 sextæ magnitudinis, & unam nebulosam æstimabant. At *Tycho* ni 14 saltem hujus asterismi stellas notare, ratio loci, in quo observationes in-



Fig. xxiii.

us Poet
est, alle
IX. fa
& for
& Prud

n, Semi
rismus
ridional
, 9 quar
t. At Tpe
servatio



instituit, concessit; quarum 7 quartæ, 2 quintæ, 5. Sextæ magnitudinis ab ipso habentur. Tradunt Poëtæ esse hunc Crotum, Euphemes, Musarum Nutricis filium, insignem venatorem, Poëtam, & Equitem. Ita q; Jovem, cū omnia illius artificia unō corpore vellet significare, *crura* ejus *eqvina* fecisse, qvod eqvo multoties sit usus, & *sagittam* adjunxisse, acuminis ingenij & celeritatis Symbolum. *Caudā* verò *Satyricā* significare voluisse, qvod non minus hunc Musæ, quam Liber Satyras, deliciarum loco, habuerint. Macrobius verò, Saturnal. L.I. monstrōsæ figuræ, qvā Sagittarius depingi solet, rationem dat hanc: *Sagittarius*, inquit, qvbi omnium Zodiaci domiciliorum imus atq; postremus est, ideò ex homine inferam per membra posteriora degenerat; qvāsi postremis partibus suis à superis in inferna detrusus. *Sagittam* tamen jactat: qvod indicat tunc qvòq; universorum constare vitam radio solis, vel ab ima parte venientis. Alii appellationis rationem hanc referunt, qvā Sol cum ingreditur signum hoc, nives ceu tela projicit.

Aph. 137. *Capricornus*, Al. Neptunia proles, æqvoris Hircus, Capr, corniger, *Schick*. Afahel. *Schil*. S. Simon. Germ. *der Steinbock* / est asterismus Zodiacalis decimus, in quo Tycho 28 stellas numerat, quarum 4. tertiæ, 1. quartæ, 7. quintæ, 13. sextæ magnitudinis æstimat, 3. verò nebulas vocat. De origine hujus asterismi iuter alia & hæc literis tradita legimus: Congregatis aliquando in Ægypto quamplurimis diis, repente se sinit iisdem *Typho*, Gigas ferocissimus, & Diis maximè infensus, Cujus præsentia territi Dii, in varias figuras se mutarunt. Et in primis *Pan*, in fluvium sese subito projiciens, priori sui parte ut Capra, posteriori ut piscis apparuit. Superatò verò periculò, Jupiter, insolitam figuram miratus, ejus rei memoriam in cælo servandam censuit. Alii appellationis rationem hanc adducunt, quia Sol, cum ingreditur signum hoc, innum Zodiaci relinquens, instar capræ paulatim ascendit, & altiora petit. Cæterum ex antiquis nummis, *Svetonio*, *Manilio*, *Germanico Cesare* & aliis cer-

Hircus
da/elt
qvaru
vero n
eris tr
repen
sus, Co
is Pa
riori
ram m
pellati
simul
it, Co
are de



Fig. xxiv.





Fig .xxv.

...um est. Cap
...Sretori
...derit, nam
...ri. Care
...at. Dagerus
Aph. 158
...Germ. d
...V, 14, est
...stellis
...ndinis. U
...aband co
...Os pisc
...dicunt,
...maxi

certum est, Capricorum natalitium Augusti signum fuisse; Ita enim, quem citavi, Sveton. *Tantam mox fiduciam sati Augustus habuit, ut thema suum vulgaverit, nummumq; argenteum notâ sideris Capricorni, quò natus est, percussisset.* Cæterum an interdiu, an noctu, Cæsaris nativitas acciderit, disputat Bayerus ad Tabulam XXXI.

Aph. 138. *Aquarius*, Al. Deucalion, Amphora, Ganymedes, Cecrops, Germ. der Wassermann/Schill. S. Thaddæus, Dn. Harsd. Naaman 1. Reg. V, 14. est asterismus Zodiacalis undecimus, ex observatione Tycho-
nis 41 stellis micans, 1. primæ, 4. tertiæ, 7. quartæ, 22. quintæ, 7. sextæ magnitudinis. Ultimâ in effusione aquæ & communis cum pisce austrino, *Fomahand* corruptè dicitur, cum Arabicum vocabulum sit *Phomel-haut*, id est Os piscis, lucidior verò in pede sinistro, *Scheat* vocatur. Non desunt, qui dicunt, Aquarii signo *Deucalionem* significari, & continua aquæ effusione, maximum illud diluvium exprimi, quod illius tempore fuisse asse-
runt

runt Poetæ. Alii putant, *Ganymedem* Troili & *Callirrhœ* e filium hœc signô repræsentari. Alii hoc signum ita dici propterea putant, quod sole, idem perambulante, frequentiores sint nives, & aquæ ut plurimum accrescant.

Aph. 139. *Pisces*, alias gemelli, *Venus* & *Cupido*, *Dea Syria*, *Schekardo* duo Pisciculi CHRISTI Joh. 6, 9 *Schillero* S. Matthias, sunt asterismus Zodiacalis ultimus, 36. stellis, juxta Tychonis observationes, micans, quarum una tertiæ, 5. quartæ, 17. quintæ & 13. sextæ magnitudinis sunt. Connectuntur verò duo pisces per commune quoddam vinculum, quod *linum piscium* vocare solent. *Hyginus* refert, ex alio quodam antiquissimo scriptore, quoddam tempore Venerem, cum Cupidine filio, in Syriam ad flumen Euphratem venisse, & eodem loco repentè Typhona gigantem apparuisse, Venerem autem, cum Filio, in flumen se projecisse, & formâ pisciû assumptâ evasisse. Ita quæ Syros postea, qui his locis erant proximi,



Fig. XXVI.







Fig. XXVII.



...desi
...per
...con
...ari, a
Ap
...ceder
...reige
...m, Sch
...dralis
...rie, i
...septu
...inter
...hanc

mi, destitisse pisces esitare, ne viderentur numina devorare. Alii putant, propterea ultimum Zodiaci signum hoc nomine insigniri, quia Sol, in eodem constitutus, piscium naturam humidam & frigidam influxu suo imitari, atque in aere hasce qualitates procreare videtur.


Aph. 140. Restant nunc Asterismi Australes, explicandi eadem, quæ præcedentes, methodo. Inter hos primus occurrit, habito ad Zodiacales respectu, *Cetus*, Al. Balæna, Ursus marinus, Bellua, Monstrum, marinum, *Schil*, S. Joachim & Anna, *Schickardo* Cetus Jonæ &c: est asterismus australis, è computo Tychonis 22. stellis micans, quarum dux secundæ, 7 tertiæ, 10 quartæ, 2, quintæ magnitudinis sunt. Dicitur de Ceto hoc, quod à Neptuno sit missus, ut Andromedam ob matris superbiam interficeret, At interfectus ipse est à Perseo, & propter immanitatem corporis, atque in testimonium virtutis Persei, inter sidera apparet.

Aph.

Aph. 141. *Orion*, Al. Arion, it. Urion, Audax, *Schickardo* Josua, *Sch.* S. Joseph. Sponsus Mariæ est asterismus australis, complectens juxta Tychonem stellas 42, quarum unam primæ, 5. secundæ, 4. tertiæ, 15. quartæ, 10. quintæ, 7. sextæ magnitudinis æstimat. Quæ in humero est satis lucida, antiquitus pro stella primæ magnitudinis habebatur, eandemq; *Ricciolus* quoq; tantam æstimat. Lucida verò in sinistro pede vocabatur olim *Regel*, corruptè *Rigel*, item *Kesil* tres item, quas in cingulo videmus stellas, vulgò vocant, den *Jacobs-stab* / è *Gen.* 30. 37. Præter has, qui per Telescopia stellas observarunt, incredibilem esse earundem in unico Orione numerum, unò ore testantur, *Schickardus* in capite ultra 20 observari testis est, *Galileus* annotare singulas, à se observatas, ausus non est, cum præter eas, quæ jam pridem annotatæ sunt, ultra octoginta viderit. Vide Ejusd. *Nuncium sidereum*. Referunt Pœtæ Jovem, Neptunum, & Mercurium, aliquando in Hyrei domo convenisse, atq; ab illo liberaliter exceptos



Fig. XXVIII.



exceptos proposuisse hospiti, ut quodcunq; liberet, peteret, Hyreo verò filium postulante, DEos in pellem mactati bovis minxisse, & mandasse hospiti, illam sub terram occultare. Exactis verò mensibus novem, Urionem (ab urinâ dictum) prodiisse, qui postea Orion, ad evitandam vocis turpitudinem, dictus sit. Porro tantæ magnitudinis fuisse dicitur, ut nulla fuerit profunditas, è qua non humeri saltem eminuerint; Ad hæc libidinosum perquam fuisse Orionem referunt Pœtæ, cum ab intentatum stuprum Æropæ, Oenopionis uxoris, oculis quoq; privatus quandoq; fuerit, quos ipsi Sol restituisse dicitur. Cæterum cum immodicè venaretur, minareturq; se nullam feram in terris relicturum, tellus indignata scorpionem extulit, miræ magnitudinis, qui pœnas magniloquentiæ, ut habet fabula, ab eod. sumsit. Alii à Diana eundem, ob tentatam pudicitiam, sagittâ cæsum fuisse, scribunt, quò sen sũ *Horatius* alicubi canit.

*Et integra
Tentator Orion Diana
Virginē à domitus sagittā.*

Deniq; Orionis signum pluviosum vocari consuevit, quod oriente eo pluviae decidunt frequenter, atq; alias inconstantem tempestatem plerumq; experiamur, unde *Virgilius* L. I. *Aeneidos* de tempestate marina canit :

*Quum subito assurgens fluctu nimbosus Orion
In vada cæca tulit. &c.*

A Judæis verò ætus maximi causa Orion esse dicitur, cum sequens apud Talmudicos extet sententia : *Nisi esset calor Orionis, non posset subsistere mundus, propter frigus Pleiadum, Et nisi esset frigus Plejadum, non subsisteret mundus propter calorem Orionis.* Vide *Buxtorf. Lex. Talmud. Rabbin. p. 103. l.*


Aph. 142. Eridanus, al. Fluvius, Oceanus, Gyhon, Nilus, Schickardò Kidron, Schillero transitus Israel per mare rubrum, Dn. Harsd. Jordan.
Joh.

ate eo
pleru
canic

vens an
et subsp
a subsp
obin.p.
s, Schick
sd. Joran
Joa



Fig. XXIX.



Joh. 2, 14. est asterismus australis, in quo, cum integer nobis non appareat, *Tycho* 10 Stellas tantum observare potuit, 4. tertiæ, 4. quartæ & 2. quintæ magnitudinis. Cæteras, inter quas & primæ magnitudinis quædam, omisit. *Hesiodus* dicit, fluvium hunc inter astra collocatum, ob Phaethontem, Solis filium, quem, cum regere Patris currum nesciret, atq; hinc inferiora cuncta accenderet, Jupiter, emissô fulminæ, in Eridanum fluvium præcipitarit. Alii Nilum esse putant. &c:

Aph. 143. *Lepus*; Alias *Levipes Schill*, vellus Gideonis &c: est asterismus australis, comprehendens, ex mente Tychonis, 4 stellas tertiæ magnitudinis, 4 quartæ, 4 quintæ, & unam sextæ. Ad pedem Orionis hic Asterismus additus est, ut indicet Orionis studium; sive quod Diana venatum Leporis delicias suas æstimarit.

Aph. 144. *Canis major*, al. dexter, *Lælaps, Schickardo* Canis Tobias

biæ, *Schillero* David. &c. est asterismus australis, secundum Tychonis observationem, stellis 13 micans, unâ primæ, 1. secundæ, 5. tertiæ, 2. quartæ, & 4 quintæ magnitudinis. Quæ primæ magnitudinis est, pro lucidissima stella fixa in toto cœlo habetur, & in specie *Sirius*, s. exsiccatrix stella, à *σείρα*, dicitur, quod sole cum eadem conjuncto, ut plurimum maximus æstus sit. Solet & *Canicula* vocari, quod eadem cum Sole unitâ canes rabie corripiantur. Probabile est, & hunc studia Orionis, quem immediatè sequitur, notare, quamvis alii, ob velocitatem suam singularem, canem Auroræ inter astra locum obtinuisse autument.

Aph. 145. Cæterum si penes ullos mortalium, certè apud Ægyptios *Sirius* observatus est, eundem enim *Sothin*, & Periodum magnam *Sothicam* appellarunt. Scilicet ignorabant Ægyptii, æqvè atq; alii, eodem seculò, viventes, moveri stellas fixas proprio motu, persuasi, eas in cœlo fixa habere loca, atq; ideò seculò Ægyptiacò, 1461 annis absolutò, perfectà fieri

fieri situationis stellarum fixarum ἀπικατάστασις, & tunc primam *Thoth*, or-
 tū caniculæ insignem esse. De Sothica hac Periodo disputabimus. **Π**
 in Computistica nostra, in præsentī unicum *Censorini* locum adduxisse
 sufficiat, qvō Ægyptiaca temporum distinctio satis clarè explicatur. Ad
 Ægyptiorum verò annum magnum, inquit, de D. N. cap. XLIX, Luna non per-
 tinet, qvēm Græci κυνικὸν, Latine canicularem vocamus: propterea, qvōd ini-
 tium illius sumitur cum primo die ejus mensis, qvēm vocant Ægyptii Θώθ, cani-
 culæ sidus exoritur. Nam eorum annus civilis solos habet dies trecentos sexa-
 ginta qvinq, sine ullo interkalari. Itaq, qvadriennium apud eos unò circiter
 die minus est, qvam naturale qvadriennium: eòq, fit, ut annò Millesimò qva-
 dringentesimò Sexagesimò primò ad idem revolvetur principium. Hic annus
 etiam Heliacus à qvibusdam dicitur, & ab aliis ὁ Θέξ ἐνιαυτός.

Aph. 146. *Canis minor*, aliàs Procyon, Ciceroni Antecanis, se-

ptentrionalis, Canicula, *Schickardo* Catellus Cananæ, *Schill.* agnus Paschalis &c. est asterismus australis, tantum duabus lucidioribus micans stellis, quarum, quæ præ reliquis lucet, & in femore conspicitur, à nomine totius asterismi *Procyon* dicitur, æstimata à *Ptolemaeo* & *Bayero* primæ magnitudinis, à *Tychone* & *Longomontano*, secundæ; De qua varietate sequens *Riccioli* est exiguus; si confertur *Procyon*, cum *Sirio*, *Lyra*, & *Arcturo*, habeatur pro stella secundæ magnitudinis, si cum cauda *Leonis*, pro stella primæ magnitudinis. Præter hanc *Tycho* observavit unicam in collo, quam tertiæ magnitudinis æstimat, sex verò alias addit *Bayerus*. Putant nonnulli canem huic ob necem heri sui *Icarii* contabuisse, & cum *Erigone* in cælum translatum esse, forsitam ut propinqui *Orionis* simul notaret studia. Cæterum an *Procyon* stella illa sit, quam communiter *Caniculam* vocant, an verò *Sirius*, disputat *Ricciolus*, & pro utraq; sententia allegat autores; *Procyonem* tamen *Caniculæ* nomine venisse frequentius, dubium non est, cui etiam æstus

æstus, quem diebus canicularibus experimur, ab *Horatio* adscribitur Lib
3. od. 29.

*Jam Procyon furit,
Et stella Vesani Leonis,
Sole dies referente siccos.*

Itemq; ab *Ovidio*, qui insimul rutilos canes circa ortum caniculæ à Roma-
nis immolatos esse refert, cujus canarii sacrificii, pro frugibus, depræcan-
dæ sævitix causa hujus sideris, mentionem facit *Festus*. *Ovidii* verba sunt
L. V. Fastor.

*Est canis, Icarium dicunt, quò sidere motò,
Tosta sitit Tellus præripiturq; Seges.
Pro cane sidere eo, Canis hic imponitur aris,*

Et quare fiat non nisi nomen habet.

Deniq; passim apud antiquos Scriptores observare licet, utriusq; canis lu-
cidam

cidam stellam Caniculam vocatam esse. *Vid. Petavii Uranol. & M. Anton. Delrii Comment. in Senecæ Oedipum.*

Aph. 147. *Navis*, Al. arca Noë &c. Argo, navis Jasonis &c. est asterismus australis, nobis perpetuæ occultationis, quoad stellas primarias, & lucidiores. Numerant verò omnino 45 stellas in fidere hoc, quarum una *Canobus* (καίωσος) dicta, primæ magnitudinis, 6 secundæ, 8 tertiæ, 22 quartæ, 7. quintæ, & 1. sextæ magnitudinis æstimabantur à veteribus; Ast Tycho trium tantum, tertiæ magnitudinis, mentionem facit. Referunt nonnulli hanc navem ideò inter sidera relatam esse, quod prima omnium fuerit, quâ mortales audaciam suam declararunt. Alii putant Noë arcam navem hanc referre. Alii aliter de ejus origine sentiunt.

Aph. 148. *Hydra*, aliàs Afina, coluber, angvis, *Schillero* Jordan, &c. Est asterismus australis, fulgens, juxta Tychonem, unâ stellâ magnitudinis primæ,





Fig. xxx.





Fig. XXXI.



pl
fe

Jo
ch

No
un

pro
fui
con
re

primæ, quæ *Lucida Hydra*, item *Cor*, dicitur, 10, quartæ 7, quintæ, atq; unâ sextæ.

Aphor. 149. *Crater*, al. Urna, calix, poculum, *Schickardo Crater* Josephi, vel Saulis, *Schillero* Arca fœderis, est asterismus australis, cui Tycho 3 stellas attribuit, quartæ magnitudinis.

Aph. 150. *Corvus* aliàs Ales Phœbi, *Schickardo* Corvus Eliæ, vel Noæ, est asterismus australis, in quo Tycho 4. stellas numerat, 3. tertiæ, atq; unam quartæ magnitudinis.

Aph. 151. De tribus, hæcenus explicatis, asterismis, hanc memoriæ proditam legimus fabulam. Corvus, Apollinis avis, missus aliquando fuit ad fontem, ut afferret aquam Domino suo, cum autem corvus videret complures ficus, quarum fructus nondum maturi erant, confedit in arbore, expectans dum maturescerent, & pluribus devoratis, tandem craterē,


cum aqua, Apollini attulit. Apollo vero Corvum, avem candidam prius, in atram transmutavit, additâ hydrâ, ne, dum ficus maturefcerent, aquam bibere posset; Habet enim guttur illis diebus male sanum. Hinc etiam rostrum in caudam, hydræ imprimi, monens quasi, ut finat se ad cratera transire. *V. Hyginus.*

Aph 152. *Centaurus*, aliàs Chiron, Minotaurus, Semivir *Schill*, Abraham & Isaac &c. est asterismus australis, 27 stellis, unâ primæ, 5. secundæ, 7. tertiæ, 15. quartæ, 9. quintæ magnitudinis, secundum veterum placita, splendens. *Tychoni* nullam harum stellarum videre licuit. Pœtæ ajunt Centaurum hunc Saturni & Philyræ (filix Oceani) filium fuisse, atq; in Pelio monte habitasse, à quo Æsculapius medicinam, alii alias artes didicerint, Eundemq; Centaurum adeo pium erga superos se exhibuisse, ut meruerit Astris inscribi, & prope Altare, sacrificantis instar, collocari.

Aph. 153. *Fera*, Al. bestia, Lupus, Hostia, Ciceroni quadrupes
Schill.



Fig. xxxii.



Schill. S. Jacob &c. est asterismus australis, 19 stellis, quarum duæ tertiæ, II. quartæ, 6 quintæ magnitudinis communiter æstimantur, micans. Nobis de hoc fidere nihil præter capitis partem quondam videre licet.

Referunt nonnulli, denotari hunc asterismum bestiam, quam religiosus admodum Centaurus, victimæ loco, Diis offerre sategerit. Alii Lycaonem, qui Jovem quondam indignè excepit, eodem representari autumant.

Aph. 154. *Ara*, aliàs Thuribulum, *Ciceroni* & aliis altare, templum, *Schill.* Ara thymiamatis &c. est asterismus australis, 7 stellis obscurioribus, quarum quinque; quartæ, & duæ quintæ magnitudinis æstimantur, insignis: Nobis nunquam apparet. Referunt nonnulli aram hanc, jussu Deorum, ædificasse quondam Cyclopes, Vulcani ministros, eam ob causam, ut penes illam Dii omnes & singuli arctissimum contra Gigantes fœdus inirent, interpositâ Juramenti religione. Cum autem victoriam postea obtinuis-

sent dii, placuisse eis, aram inter sidera collocare, in perpetuam cœlestis regni, à se defensi, memoriam.

Aphor. 155. *Corona meridionalis*, al. Notia, parvum cœlum, *Schill.* Diadema Salomonis &c. *Dn. Harsdorff.* Corona Davidis 2. Sam. 12, 30. est asterismus australis, 13. stellis, quarum 5. quartæ, 6. quintæ, 2. sextæ magnitudinis sunt, coruscans. Nobis nullo tempore apparet. Referunt nonnulli; Coronam hanc à Baccho inter sidera relatam esse, in perpetuam matris *Semeles* memoriam.

Aphor. 156. *Piscis Notius*, Al. meridianus, Capricorni, magnus, Solitarius, *Schickardo* piscis cum statere &c. est asterismus australis, 12 stellis, quarum una, lucidissima scil. in ore, Arabicè *Fomahant* dicta, primæ, 9 quartæ, & 2 quintæ magnitudinis æstimantur, conspicuus. Nostrium Horizontem veriùs stringit, quàm quod supra eundem multum elevetur. Referunt

ferunt nonnulli, piscem hunc in cœlum translatum esse idēo, quod olim Venerem fugientem, in pugna contra Gigantes, exceperit. *Hyginus* verò de eodem annotat, populos Syriæ piscis Imaginem voluisse in cœlo existere, quod inter cœteros Deos penates, pisces quoq; adorarint.

Aphor. 157. Hactenus egimus de Asterismis, quorum notitia etiam ad Veteres pervenit. Recentiores alios addiderunt, quosdam in Septentrionali cœli plaga, quosdam in Australi conspicuos.

Aph. 158. *Asterismi Septentrionales à recentioribus additi*, ē Stellis, quæ informes olim dicebantur, item *Σποργίδες* (sparfiles quæsi & palantes) combinati sunt, quæ enim inter ursam maiorem & Leonem interjacent, *Jordanis* fluvii nomen habent, quæ inter polum Septentrionalem & Perseum atq; Aurigam conspiciuntur, *Camelopardalis*, item *Gyrassa* vocari solent. Quatuor stellas inter Triangulum & Arietis caudam apparentes *Apes* appellant. Siderum tractus, à Pegaso, inter Cygnum & Aquilam,


lam, ad Serpentarium usq; procedentes, *Tigris & Euphrates* dicuntur.

Aph. 159. *Asterismi Australes à recentioribus additi*, vel Stellæ olim informes exhibent, vel de novo in Plaga Australi observatas. Ad priorem classem pertinent *Monoceros Unicornis*, inter Orionem, Canem minorem, atq; Hydram interceptus; *Αλέκτωρ Gallus*, Dn. Harsdorf: Gallus Petri Matth. 26, 75. inter Canem majorem & Navim conspicuus, ejus astra ad Scutulum Navis *Bayerus* & alii referunt; *Columba Noachi* cum olivæ ramusculo, non procul à Cane majore, aliquot stellis micans, & nostrum Horizontem stringens. Ad posteriorem classem pertinent, *duodecim iste constellationes*, quas Nacleri, ultra Æquatorem transgressi, observarunt, in quo Negotio *Petri Theodori & Friderici Houthmanni* imprimis commendatur industria. Sunt autem GRUS, INDUS, PAVO, APIS INDICA al. Paradisea, TRIANGULUM AUSTRALE, MUSCA, it. apis, CHAMELEON,

tur.
ellaso
d prio
minon
llus P
us asfr
n oliva
strum
decim
servan
s com
NDICA
CHAN
LEO



Fig. xxxiii.



Ge
T
I.
is
the
Ge
for
m &
pre
anc
di
me
am

LEON, PISCIS VOLANS al. Hirundo Marina, DORADO, al. Chryso-
phrys, HYDRUS, TOUCAN al. Anser Americanus, Pica Braslica, PHOE-
NIX. Has constellationes XII vide in Figura XXXIII.

Aph. 160. Præter has omnes, quas recensuimus Stellas, & *ἑκατόν τε*
alias, ingens earundem numerus in *Galaxia* conspicitur, quam alii viam
Lacteam, orbem Lacteum, *Ptolemaus* Zonam, *Papicola* viam Divi Jaco-
bi, Germani die *Milch-oder Jacobs-strasse* vocare solent. Quamvis enim
Aristoteles olim L. I. Meteor. Galaxiam Meteorum aliquod è fumo genera-
tum & à Sideribus attactum esse putet, alii tamen & ipsius *Aristotelis* in-
terpretes commentum hoc refutarunt satis; Neq; enim distantiam à ter-
ra eandem meteora servant, neq; ubivis locorum simultaneè apparent,
neq; diu perdurant, neq; perpetuum & stabilem motū cum primo mobili
obtinent, quæ omnia *Galaxiæ* competunt. Rectius itaq; *Democritus* *Galaxiam*
definivit, quod sit *πολλῶν ἀστέρων συνεχῶν καὶ συμφασσιζομένων συναυ-*

ἄσπερος *Multarum Stellarum contiguarum & collucentium conjunctus splendor*; vel uti *Manilius* Zonam hanc describit.

*An major densâ stellarum turba coronâ
Contextit flammâs & crassô lumine candet,
Et fulgore nitet collatô clarior orbis?*

Atq; hanc de *Galaxia* sententiam verissimam esse, recentior *Telescopii* usus comprobavit satis; In quamcunq; regionem, inquit *Galilæus* in *Nuncio Sider. perspicillum* dirigas, statim stellarum ingens frequentia sese in conspectum profert, quarum complures, satis magnæ, ac valde conspicuæ videntur, sed exiguarum multitudo prorsus inexplorabilis. Cœterum Poetarum commenta sunt; *Galaxiam* ad *Jovis thronum*, viam ostendere; *Ovidius* *L. 1. Metam.* Fab. VI.

*Est via sublimis cœlo manifesta sereno,
Lactea nomen habet, candore notabilis ipso:*

*Hac iter est superis ad magni tecta Tonantis,
Regalemq; domum &c.*

Vel uti alii fabulantur, exhibere circulum hunc Lac Junonis quondam effusum ibi, cum Hercules illud fugeret. V. Rhodig. Ant. Lect. L. VI. c. VII. Hisce, fabulis nempe, accensemus quoque; Theophrasti opinionem, de qua Macrobius L. I. in Somn. Scip. c. XV. Theophrastus, inquit, Latteum dixit esse compagem, quæ de duobus hemisphæris cæli sphaera solidata est; Et ideo ubi ora utrinque convenerant, notabilem claritatem videri. Neque aliud, quam fabulæ meretur nomen Papicolarum commentum, quo seculis superioribus multis imposuerunt, cum enim hybernis maximè mensibus, Galaxia vesperti in Occidentem inclinare videatur, & Compostella Gallæciæ civitas, qua Jacobi Apostoli ossa asservari dicunt, respectu nostri meridiani occidentalis sit, persvadebant imperito vulgo, Eremitarum Compostellano- rum semitam ita rutam esse, ut imago ejus in cælo appareat; atque hoc signo

H

Deum

Deum ostendere, quam acceptam habeat devotam istam ad ossa Jacobi Compostellani peregrinationem. Hoc commentò factum est, quod Galaxia hodie non minus atq; fabulosis istis seculis, *via Jacobi* dicatur, quafi ad Jacobum ducens. Plura qui de via Lactea desiderat, *Gassendum* conferre poterit. *Tantum de Stellis fixis.*

Aph. 161. Accedendum jam ad Planetas est, qui vulgò in primarios & secundarios dividuntur; Illorum numerum complent Luminaria, horum Planetæ reliqui.

Aph. 162. SOL est Luminare majus & Planeta medius ac maximus, non temporum modo, sed & ipsorum Siderum Rector quasi, & mundi totius oculus, distans à terra mediocriter elevatus Sem. T. 1150. maximè 1182 & Diametriũ apparentem habens in Apogæo 30/, in Perigæo 32/. Vid. *Tych. Prog. p. 471.* unde globosum ejus corpus 139. vicibus, & quod excedit, terrâ

râ majus esse colligitur, quamvis *Schwenkerus* in *Deliciis Math.* p. 315. So-
 lem $166\frac{1}{2}$ vicibus terrâ majorem esse statuât, & *Keplerus* Solis Diametrum
 ad Diametrum terræ ita se habere asserat, ut se habent 15 ad 1. Idem *Ke-*
plerus *Astron. Opt. cap. VI.* densitatem summam Soli tribuit, ut tantum
 materiæ sit in uno Sole, quantum in tota sublunari sphæra; Tantam quip-
 pe densitatem requiri ait, a calorifica ejus vi, tam acri & tam longè por-
 recta: Idcirco enim plus urunt carbonēs, quam flamma, & candens ferrum
 plus quam carbo, nempe ob densitatem, seu multitudinem partium
 in eodem spatio majorem. Cœterum de maculis & faculis, quæ in Sole
 apparent, disputant inter se autores, alii eas pro stellis habent, alij pro me-
 teoris. Nos referemus Excellentissimi Mathematici *Dn. Johannis He-*
selii de hac re opinionem, qui in *Selenoph.* p. 77. & seqq. postquam varia-
 re Solares istas maculas & faculas prolixè testatus erat, tandem asserit, (1)
Maculas, in disco Solis contentas, nihil esse aliud, quam compactam aliquam

Et obscuram materiam nostris terrenis nubibus non dissimilem ac unâ cum sole
 mobilem (2) Faculas admistas esse lucidissimas Solis partes, quæ distinctis locis
 atque temporibus magis magisque in Sole conspiciuntur (3) umbras illas, quæ corpus
 facularum sequuntur, et cum luculis permiscuntur, raritate, formâ et magnitudine
 variari in superficie solis instar fumi et nebulae, quibus Sol hinc inde quasi obdu-
 ctus, tanquam speculum tactu vel halitu oris inquinatum appareat &c. Cœte-
 rum an exinde sequantur, quæ Clarissimus Autor colligit, maiorem alte-
 rationem fieri in sole, quam hic in terra, item, solem moveri circa axem,
 ita ut unam conversionem 27 diebus, vel circiter, absolvat, quæ Galilei
 quoque, Scheineri & Bullialdi fuit opinio, alii dijudicent.

Aph. 163. Luna est luminare minus & Planeta infimus, in tenebra-
 rum remedium à DEO creata. Distat à terra quando remotissima est. 60 $\frac{1}{2}$
 Semidiam. quando maximè propinqua 52 Semid. terr. unde Diametrum
 quoque visibilem inæqualem habet, cujus varietates est sententia Tychonis ita

se habent: Tempore quadraturæ, in distantia remotissima, apparet diameter ejus visibilis minorum $32/. 32//$. tempore quadraturæ in distantia vicinissima $36./$. In cōiunctione vel oppositione, Luna existente in Apogæo, diameter ejus est $33./ 9//$. & in proxima distantia $34/ 48//$. Porro ē distantia Lunæ à terra & Diametro ejus apparente colligitur; Diametrum Lunæ ad terræ Diametrum se habere, ut duo ad septem, & quod ulterius sequitur; Lunæ corpus terrenò minus esse quadragies bis. Absolvit Periodum suam simplicem (alij mensem Periodicum vocant,) 27 Diebus eum $\frac{1}{2}$ fere, synodicam vero, (alij mensem vocant synodicum) 29 D. 12. H. 44/. 3//. &c.

Aph. 164. Ad hæc, præter motum hunc, veteribus quoq; cognitum, alium in Luna animadverterunt artifices, quem Librationis disci vocant; quamvis enim ante inventum Tuborum usum Astronomi persuasi fuerint, Lunam eandem semper nobis ostendere faciem, experientia tamen

hodie comprobavit satis, falsum hoc esse, cum Lunæ maculæ aliæ atq; aliæ diversis temporibus appareant : Equidem non totus Lunæ globus circumvolvitur in orbem, verum Luna tantum ex parte, respectu nostri, circumagitur, certamq; aliquam solummodo hemisphærii latentis Lunæ particulam, nobis spectandam obvertit. Plura de hoc motu penes *Dn. Hevelium* in *Selenographia* p. 235. & in *Epistola ad Johannem Bapt. Riccium* vide.

Aph. 165. Restat, ut de maculis Lunaribus, itemq; de materia Globi Lunaribus, addamus pauca. Refert Keplerus Rudolphum II. in ea opinione fuisse, terrarum & continentium Simulacra in Luna, ceu in speculo resplendescere, & allegasse hoc imprimis, videri sibi expressam esse in Luna Italiæ, cum duabus adjacentibus insulis, effigiem. At falsam fuisse persuasionem hanc facile patet : Si enim tali adventitia impressione istæ maculæ formarentur, unô eodemq; tempore, diversæ in diversis locis appa-
rent


*Facies Luna
tempore Ple
nilunij circa
Nonagesimū
observata
Gedani à
Celeb. Dño
HEVELIO.*



*Nomina macu
larum Vide
in Selenogr.*

Fig.


XXXIV.



rent, quod adversus observationum fidem est ; Qvare aliam sententiam adoptat *Keplerus*, qvam in *Astron. part. Opt. p. 248.* proponit. *Non inuitus*, inquit, *cum Plutarcho in hanc sententiam concedo, cujus mihi jam pridem & Mæstlinus Præceptor meus autor fuit, dicoq;* ; *Lunæ tale esse corpus, qvæle hac nostra terra est, ex aqua & continentibus unum efficiens globum.* Idem *Keplerus* in *Nunc. Sider. Galil. p. 32.* citat *Mæstlinum*, restantem ; se pluvias observasse in corpore Lunari vespere Dominicæ Palmarum anno 1605. Imo in eadem *Dissert.* alicubi dicit, vero non ab simile esse, non tantum in Luna, sed etiam in Jove incolas esse, quos detectum iri non desperat, si dentur naves aut vela per auram cœlestem ; Ab hac sententia parum abest *Adrianus Metius Doctr. sph. L. I.* quo in loco refert ; *Jacobum Metium*, Germanum suum, habuisse tubum opticum, cujus ope, ad trium milliarium distantiam, literas distinctè legere potuerit, atq; ejusdem beneficiò in corpore Lunæ conspexisse montes, ex opposito Solis, umbram de se spargentes,


res, itemq; valles, & instar jugerum, atq; marium planities. Eandem opinionem qvoad montes & valles reales adversus Marium, defendit *Celeb. Dominus Hevelius* selen. p. 139. seqq. Nos putamus; tutissimè dici; Lunæ corpus primitus à Deo creatum esse inæqvale, nec ubiq; & eodem modò, radios Solares admittere. Reliqua æqvò animò nescire velle, sapientiæ humanæ partem æstimamus.

Aph. 166. *Saturnus* Chymicis *der Blensstern* / est, Planeta à terra remotissimus, & stellis fixis maximè propinquus, colore plumbeò & obscuriori Luce conspicuus. Terram superat 22 vicibus ferè, ut opinatur *Tycho*, etsi veteres nonagies semel eum terrâ majorem fecerint. Demonstratur autem ab hodiernis Mathematicis, novorum perspicillorum ope, corpus Saturni exactè globosum non esse, sed oblongius, instar ovi cujusdam; Item; ex utraq; parte duo alia lucida corpuscula apparere, quæ *Gassendus* ansulas, *Dn. Hevelius* brachiola, alii Saturni servos, alii Comites vocant. Natu.



Joh. Dürer sculp.

Fig xxxv.



Natura ejus ex influxu in hæc inferiora frigida & sicca judicatur. Deniq; orbem suum, motu proprio, absolvit triginta annorum spatio fere, seu 10955. diebus 12. Horis, unde ab motus tarditatem Græcis *Χρόνος* dicitur & communiter falx, quod tempus omnia demetat quasi, ipsi tribuitur. Alii tamen caractere hoc truculentum Saturni in hæc inferiora influxum, denotari autumant, sive quod Saturnus, in Horoscopo genituræ infantis cujusdam repertus, nisi benignus Planeta, intercedat, mortem minetur recens nato.

Aph. 167. *Jupiter* Chymicis der Zinstern/est Planeta in ordine descendente secundus, lucem habens splendidissimam & candidam; Terræ excedens nonagies quinquies ex opinione Veterum, *Tychonis* vero quater & decies. Natura eidem tribuitur calida & humida, unde influxus ejusdem inferioribus perquam salutaris creditur, quæ causa allegatur a

nonnullis quod dicatur Jupiter, quasi *juvans pater*, adversus Saturni scilicet, & Martis minas, Græcè Ζεύς dicitur, cujus vocis literam primam, ut nonnulli putant, character ejus, refert quamvis alii sceptrum, alii fulmen eodem designari putent. Absolvit Perîodum suam 12 annis fere, seu 4331 diebus 18 Horis,

Aph. 168. Cœterùm summus ille in opticis artifex *Galileus Galilei Italus*, anno 1612 & post eum *Simon Marius Germanus*, perspicillorum ope, observarunt stellulas quatuor, circa Jovem in æquali velocitate obambulant; Quas *Galileus* in Nuncio Sidereo, *Mediceas s. Cosmicas* vocat, Keplerus *Planetas secundarios*, *Marius sidera Brandenburgica*; Atq; hic ipse nomina specialia stellis hisce indidit; Quæ Jovi proxima manet, & 3 minutis tantum ab eod. abit, periodum suam peragens die uno, 18 horis & 28/ eam vocavit *Mercurium Jovialem*. Quæ huic succedit, & ultra quinq; minuta à Jove nunquam distat, absolvens gyrum 3. D. 13. H. 18/. eam vocavit

cavit *Venerem Jovialem*; Cujus distantia à Jove maxima est 8/. circuitus item absolvitur. 7. D. 4. H. ferè, *Jupiter Jovialis* ipsi dicitur. Deniq; à Jove distans in elongatione maxima 14 min. & 16 D. 18. H. 9/. suum circumagens gyrum, ab eodem Mario *Saturnus Jovialis* dicitur. Ad hæc cum fabulam decantent Poetæ; de quatuor Jovis Amasiis, quarū nomina sunt; *Io, Callisto, Europa & puer Ganymedes*, voces easdem hisce Circulatoribus Jovis tribuit. At quinq; stellulæ, quas *Antonius Maria de Rheita*, anno 1643, Colonia Agrippinæ, observavit & Jovialibus Galilæi annumeravit, *Urban-Octavianas* eas vocans, fixas in Aquario fuisse. *Gassendus & Dn. Hevelius* jamdudum demonstrarunt. Deniq; de fascijs Jovialibus *Ricciolus* videri poterit.

Aphor. 169. *Mars*, Chymicis der *Essenstern*/ est Planeta, in ordine descendente, tertius, colore flammeo & inæquali luce micans; Distat à terra inæqualiter, cum nonnunquā etiam terræ propior sit quam Sol. *Quantum*

titas ejus à Tychone colligitur, tredecies terræ quantitate minor, et si ve-
 teres opinati sint, eum semel cum $\frac{1}{3}$ parte terrâ Majorem esse. Gyrum suū
 absolvit spatio biennii ferè, seu 687. Diebus. Figuram Martis apparen-
 tem quod concernit, *Fontana* eqvidem, *Matthias Hirschgartherus* & *Dn.*
Hersdorf: Delit. Math. part. 7. p. 289. eam monti acuminato, s. in mu-
 cronem fastigiato, non absimilem esse, tradunt. At *Dn. Hevelius* Telesco-
 pium minus aptum, adhibuisse monstrôsæ illius figuræ assertores testatur;
 Ipse vero Martem rotundum vidit, perigæum autem & in quadrato Solis
 versantem *διχοτόμου*, quod manifestum indicium est, Planetam hunc, in-
 star Lunæ, sui luminis admittere vicissitudines, ita tamen, ut nunquam
 Corniculatus vel falcatus conspiciatur. Deniq; ex influxu in inferiora
 naturæ calidæ & siccæ judicatur esse, unde & iræ Dominus statuitur, &
 characteris loco clypeus cum hasta ipsi tribuitur.

Aph.

Aph. 170. *Venus* Chymicis der Rupfferstern est Stella erratica quinta, in ordine descendente, juxta communem computum, etsi interdum supra solem ascendat, interdum infra Mercurium descendat. Lucem habet post Luminaria splendidissimam, ita ut umbram ex adverso corporis opaci spargat. Periodum suam absolvit annuo temporis spatio instar Solis, quem quò tempore antecedit, *Lucifer*, quò tempore sequitur, *Hesperus* appellatur, nunquam vero ultra 47 ab eod. removetur. Censebant Veteres Veneris Stellam vix 37 terræ partem exhibere, at *Tycho* corpus Veneris majus esse è Diametro apparente collegit. Præterea observatum est, Veneris Lumen instar Lunæ accrescere & decrescere statis temporibus, cum occasui Heliaco appropinquans corniculata appareat, è radiis Solis emergens, falcata, uti phases Veneris, Lunæ phasibus omnino analogas, *Dn. Hevelius* exhibet. Natura ejus humida & moderatè calida ab Astrologis æstimatur, unde *Claudius Ptol.* de Prædiction. Astr. Stella

Veneris

Veneris, inquit, quod ad temperatam naturam attinet, similis est Jovi, sed converso ordine. Etsi enim calefacit, quia Soli vicina est, tamen minus calefacit, quam Jupiter & magis humectat, sicut & Luna, propter magnitudinem corporis sui attrahens humidos vapores, ex locis terræ vicinis. Cæterum quod benignæ naturæ aestimetur Venus, conjugii, & aliis rebus lætificis præesse dicitur, characterem nata, speculum rotundum cum manubrio, quamvis alii putent, inversum indicari imperii pomum s. insigne, ideo, quod dominium Veneris universale quidem sit, at in simul omnium malorum & everisionis imperii, inverso pomò significatæ, causa.

Aph. 171. *Mercurius* est Planeta sextus in ordine descendente, (eò tamen sensu, quem in præcedenti aphor. indicavi) exiguus apparens, luminosus tamen. Periodum absolvit annuò spatio cum Sole, à quo lumen suum nanciscitur, quem etiam proxime ambit, ut ultra 28^o ab eodem non
rece-

recedat, qva de causa quoq; raro à nobis observari potest. Opinati sunt Veteres Mercurium $\frac{1}{2}$ globi terreni partem quantitate suâ non excedere. At Tycho novendecim vicibus saltem stellam hanc terrâ minorem æstimat. Natura influxus ejusdem in sublunaria à Cl. Ptolom. æstimatur talis fere, qvalem Veneris esse, antea dixi, Nam calidus esse dicitur, ob vicinitatem Solis, humidus v. ob Lunæ propinquitatem. Cæterum character Mercurii usualis est virga, duobus serpentibus, se mutuo intuentibus, circumplexa, de qva Poetæ tradunt, eam ab Apolline pro lyra Septichorde accepisse Mercurium, & in Arcadia duos Dracones litigantes compescuisse, ut fœdus inter se inierint.

Vide Hyginum.



SE-

SECTIO II.

Exhibens CANONES.

CANON I. *E cœli stellati intuitu principia Astronomica & hypotbesium fundamenta co- gnoscere.*

§. **Q**Uamvis hypothesein usus in Astronomicis perquam amplius sit, nihilominus putandum non est, omnia quæ in Astronomia proponuntur, atq; docentur, humani ingenii figmenta esse, operosa quidem ratio nostra est, ut cancellis includat certis vagabunda, quæ videntur, sidera, & naturæ ipsi propemodum suos assignet limites; Fundamenta tamen præsto sunt, quibus innituntur artificum placita. Stellæ oriri cernimus, occidere item in opposita cœli parte. Nocturna, diurnaq; hæc siderum varia-

variatio est; Colligit exinde ratio, quæ cœli figura sit; Cœlestia corpora
 redeunt in orbem; Ergo Cœlum rotundum est, & globi exhibet figuram.
 Rotundum corpus centrum requirit; *Centrum* definit *Euclides*, quod sit,
 à quo omnes lineæ ad circumferentiam ductæ æqualesprehenduntur; Com-
 petit hoc terræ, è qua magnitudo Stellarum eadem orientium, culminan-
 tiū, occidentium observatur; Si magnitudo apparet eadem, distantia quo-
 quæ terræ, atq; stellarum, in quovis semitæ diurnæ puncto, erit eadem:
 Ergo terra cœli stellati centrum est. Movetur stellarum Exercitus; Ergo
 poli, ut præsto sint, necesse. Circa polos, ut puncta quiescentia corporis
 mobilis brevissimus est stellarum ambitus, qualem describit Polaris stel-
 la; Ergo non procul abhinc erit punctum illud Mathematicum, quod sen-
 sus humanos fugit. Si polus mundi à Stella polari parū abest, & eleva-
 tus tamen penes nos, obliquus erit sphaeræ cœlestis positus, qui nostro ob-
 versatur visui. Porro quoniam Globus cavus Cœlum est, capax erit cir-
 culorum; quorum alios majores esse oportet, qui Sphaeræ ambiunt cen-

trū, alios minores, qui ad polos suos accedunt magis. Inter illos offert se
 primum, qui per ea cœli puncta, in quibus Stellæ oriri nobis & occidere
 conspiciuntur, ductus est, & cū is segmentū cœli patens finiat, *Horizon* di-
 catur. Nō eadem semper stellarum supra Horizontem altitudo est, sed ma-
 xima tunc, quando stellæ ab Horizontis utroq; segmento, Orientali & Oc-
 cidentali, æquidistant; Itaq; nil prohibet, quo minus per polos mundi,
 capitis nostri verticem & maximæ cujusvis stellæ altitudinis terminum,
 concipiamus circulum, qui *Meridianus*, ab officio, quod respectu Solis ha-
 bet, dicetur commodè. Ethī duo circuli erunt immobiles, quod per immo-
 bilia puncta descripti sint. Colligimus porrò: Non procul à polari Stel-
 la alter totius universi polus est; Per quadrantem à Polo circulus distat
 huic competens; At tantam quoties à polo animadvertimus Solis distan-
 tiam, nox diei æqualis est, quod circa Veris & Autumni auspicia observare
 licet. Vocetur ergo circulus à Sole X Martii die & 13 Sept. motū diurnū
 descriptus, *Æquator*. Videmus item solis motū annuum in hoc circulo non
 fieri

fieri, neq; enim perpetuum habemus æquinoctium, neq; eandem semper
 observamus Solis à polo mundi nobis elevato distantiam, oblique potius
 incedit Sol & per Æquatorem bis saltem in anno transit. Oporteret itaq;
 semitam Solis quoq; Æquatorem secare in locis duobus; Ad hæc cum a-
 nimadvertat quivis, Lunam Solis vestigia quandoq; legere, si forsitan eò
 deferatur, Novilunij vel Plenilunii tempore, alterutrum Luminare Lu-
 men suum amittere, ideo hæcce motus solaris annui vestigia *Eclipticæ* non
 incōmode dicētur nobis exhibere. Verū enim vero Sol in Junio altissim⁹
 est, & radios rectis simillimos ad nos spargit, in Decembri humilis valde, &
 oblique nos irradiat, quod si alia deficerent documenta, umbræ habitudo
 id ostendere posset. Ab utroq; termino, citimo & extimo, quando Sol
 progreditur, illinc à nobis cancrorum instar recedit, hinc ad nos accedit;
 Itaq; quid vetat, per polos mundi & terminos solaris semitæ ducere cir-
 culum, quod nobis integer non appareat, *Colurum Solstitiorum* dictum, e-
 demq; parallelum, per polos mundi & puncta æquinoctialia, *Colurum æ-*

quinotiorum? Itemq; quid obstat, quo minus è polo mundi circulum minorem per terminum Eclipticæ citimum ductum, mihi imaginer, *Tropicum Cancr*i dictum & è polo Australi adversum priori, *Tropicum Capricorni*, cum Sol diebus Solstitialibus utrumq; circellum delineet quasi? Deniq; si Ecliptica circulus est, qualis è motu solisprehenditur, suos habebit polos, à polis æqvatoris tantum remotos, quantus est maximus hujus solaris semitæ ab æqvatore recessus, cum autem circa polos mundi totum hoc universum moveatur, moveri oportet etiam Eclipticæ polos, cujus motus vestigia per *circulum Arcticum* ob vicinitatem urstarum sic dictum, & *Antarcticum* exhibent Artifices. Atq; hæc motus primi, qui beneficio circulorum in sphaera materiali extantium explicari solet, Astrognostica fundamenta sunt. Secundum quem vocamus motum, non minus cælum ipsum ostendere videtur; Nullus Planetarum cum iisdem Stellis fixis perpetuò oritur, sed nec Planetarum ullus cum altero semper. Quæ Stellæ fixæ, Sole occidente, conspectæ sunt, in ipsius opposito,

sito, post aliquot septimanas, occidente Sole, in Meridiano videbimus, Venus jam Hesperus, jam Phosphorus deprehenditur; Luna jam plena, jam nulla apparet, mox aliam ostendit $\phi\alpha\sigma\iota\nu$. Per motum stellarum primum multiplices hasce variationes salvare non possumus, Itaq; secundum quendam stellis tribuimus motum, certi aut compositum iis competere, quem spiralem vocant, aut duplicem; Illum Physicis principiis analogum, hunc ad calculum aptissimum deprehendimus. Breviter: *ê Cœli stellati intuitu evidenter colligimus, hypotheses Mathematicas aut exactè respondere vero siderum motui, aut huic omnino analogas æstimandas esse.*

CAN. II. *Situm atq; ordinem asterismorum cœlestium in compendio repetere.*

QVamvis de situ asterismorum cœlestium antea dictum sit, præstat tamen, ut juvemus memoriam nostram, ejusdem denuò mentionem

facere. Quare notandum est : In observandis fixis (1) initium fieri ab *ursa minori*, quod ejusdem gyri brevissimus sit, & circa stellam polarem fiat. (2) *ursam majorem* septem stellis insignioribus splendere, atq; ideo cognitū esse facillimam. (3) inter utramq; *ursam* gyros suos agere *Dracōnem*, capite imprimis, adversus pedes *Herculis* porrecto, conspicuum, (4) supra caudæ extremam stellam in *ursa* majore conspici *Bootis* manum, *Arcturo* imprimis notabilis (5) eum antecedere *comam Berenices*, cujus locum linea ab extrema caudæ *ursæ* majoris ad lucidam *Leonis* caudæ perspicuum facit. (6) ab altera *Bootis* parte *Coronam* apparere, stellâ *Gnosîâ* imprimis fulgentem (7) *Coronam* excipit *Hercules*, capite imprimis, quod *Serpentario* obvertit, notabilis, (8) *Herculem* *Lyra* sequitur, primæ magnitudinis stellâ quādam conspicua (9) Hanc *cygnus* excipit, cruce, quam ejusdem stellæ quodammodo repræsentant, lucida. (10) Inde *Æthiopici* Regis familia sequitur; Rex ipse *Cepheus* tribus in *ursa* minore stellis caudā exhibentib9, insistit quasi, cujus caput in extremitate viæ *La-*

Et ex quærendum est (11) Uxor Cephei, *Cassiopea* ab eodem parum distat,
 sellæ figuram referens. (12) Huic succedit gener *Perseus*, cum *Medusæ* ca-
 pite. (13) antecedit eundem *Andromeda*, in gratitudinis Symbolum Libe-
 ratori suo nupta. (14) quæ in capite reperitur secundæ magnitudinis stel-
 la, cum *Pegaso* *Andromedæ* communis est, & una è *Quadrato* *Pegasi*. (15)
 inde à quadrato *Pegasi* per rictum si dueatur linea, obscurum *Equulei* inno-
 tesceat sidus. (16) à quo parum abest *Delphinus*, quinque imprimis coruscans
 Stellis. (17) hunc antecedit *Aquila* cum *Antino* s. virunculo & *Sagitta*.
 Denique; (18) *Ophiuchus* se offert, cum *Serpente*, utriusque; caput notatu facile
 est; *Serpentarii* quidem, quod non procul ab *Herculis* capite conspicuum
 sit, *Serpentis* autem, quod coronam mordeat (19) Inde regredimur ad *An-*
dromedam, sub cuius latere sinistro Austrum versus, *Delta* s. triangu-
 lum apparet, indicans (20) *Arietis* signum, cuius cornua imprimis splen-
 dent. (20) A *Perseo* parum *Auriga* distat, *Capellam*, *hados* atque gerens, & pede
 austrinò (22) *Tauro* insistens, qui *Hyades* & *Plejades* circumducit. (23) Inde

Gemini sequuntur, cum (24) vicino *Cancro*, signo scil. quod nubecula facit
 insigne, & (25) *Cane minore*, qui non procul a *Geminis* abest. (26) Huic suc-
 cedit *Leo*, in quo *Regulus* & splendens cauda, (27) Huic *Virgo* cum spica &
Vindemiatore. (28) Hanc excipit *Libra*, quam ostendit recta a polari per
 coronam ducta. (29) *Scorpius* *Libram* sequitur, cuius cor lucidum est, &
 Martiali colore splendet (30) *Scorpionis* caudæ *Sagittarius* arcu suo immi-
 net, prope viam lacteam, utriq; intermediam ferme, ad cuius pedes coro-
 na australis conspicitur, nobis abscondita. (31) Sub *Aquila* & *Delphino*, post
Sagittarium, *Capricornus* apparet, cornu utroq; notabilis. (32) Sub *Pegaso*
 autem *Aquarius* urnam effundit, manubrium *Capricorno* obvertens, ur-
 nam *Pegaso*, a quam ipsam (33) *Piscis austrinus* excipit, cuius quæ in ore
 Stella conspicitur, Fomahand corruptè dicitur. (34) Sub *Pegaso* & *Andro-*
meda pisces videmus, connexos prolixo lino, (35) sub iisdem & *Ariete* *Ce-*
tus oritur, cui *Pegasus* caput *Medusæ* obvertit (36) cetero contigæ sunt *E-*
ridani Stellæ, quarum ordo ad *Orionis* *Lucidum* genu usq; illustris est.

(37) O-

(37) *Orion* ipse humerò utrôq; , cingulò & genu utrôq; imprimis fulget
 pedibus insistens (38) *Lepori*, artis suæ *ὑγιεινίας* (39) *Leporem* ab ortu *Canis*
 sequitur, quem majorem vocant; inde ortum versus (40) *Monoceros* est,
 versus Meridiem (41) *Gallus* & (42) *Navis*, nobis maximam partem latens,
 (43) Non procul abhinc sub Cancro Leone & Virgine *Hydra* (44) *Crater* &
 (45) *Corvus* prolixò incedunt ambitù, (46) *Centaurus* sequitur cum (47)
ferè, in linea per Polum & Arcturum longissimè in Austrum protensa.
 Hæc Asterismorum argumenta quasi sunt & summaria. De iis qui nos
 latent, ut dicamus multa, minimè opus est.

CANON III. *Globum Cœlestem omni tempore
 situi cœlestium corporum conformem ante oculos
 statuere, & consequenter sine difficul-
 tate Stellæ fixas cognoscere.*

Cognita latitudine loci, s. elevatione poli, in loco dato, tot gradus, quot eadem constat, numerentur in meridiano, à polo elevato, ita ut terminus numerationis alter sit polus ipse, alter Horizon. Dein vel ex Ephemeridibus, vel calendariis vulgaribus locum Solis, quem is eâ die, quâ observatio instituenda est, occupat, addisce. Sin verò globus accuratior ad manus sit, consulendum saltem erit calendarium, in limbo Horizontis ut plurimum descriptum, illud enim locum solis prope verum determinat. Modo hoc observetur, solere autores calendarii formam duplicem, alteram Julianam, alteram Gregorianam in eodem limbo designare; Hæc duo calendaria, ut discerni à se invicem queant, notes; istud calendarium esse vetus Julianum; cujus Martii diei decimæ circiter respondet ingressus solis in initiale punctum arietis, in quo vero idem ingressus solis in V connectitur cum XXI vel XX die Martii, illud pro novo seu Gregoriano habendum est. Locus ergò Solis cognitus adducatur ad meridianum æneum, & index horarius simul ad horam XII, atq; beneficio acus

ma-

magneticæ globus plagis mundi conformis statuatur. His expeditis, circumage globum donec index in cyclo monstret horam, quâ observatio instituitur; & animadvertes faciliè globum artificialem cum cœlo ipso & ordine siderum accuratè convenire.

CANON IV. *Cognitâ Elevatione poli in dato terra loco Stellæ perpetuæ apparitionis & perpetuæ occultationis, cœteras item apparentes interdum, & interdum latentes, cognoscere.*

Cum Horizontis officium sit, terminare visum, à quo usu & nomen suum habet, observetur modo, polò legitimè elevato, quæ Stellæ infra Horizontem nunquàm descendant, & quæ nunquàm ascendant supra Horizontem. Illæ enim Stellæ perpetuæ apparitionis, hæ perpetuæ occultationis.

rationis vocandæ sunt, reliquæ interdum apparent, interdum non. Potest etiam res cretâ acuminatâ expediri; applicatâ enim hâc ad utramq; communem intersectionem Horizontis cum meridiano, circum agatur globus usq; dum â creta exacti describantur circuli, quorum alter stellas perpetuæ apparitionis, alter perpetuæ occultationis comprehendet. Quæ verò medium occupant spatium interdum apparent, interdum verò non. Observabis a., non respectu quorumvis terræ incolarum, alias stellas apparitionis, alias occultationis perpetuæ dici posse, sed respectu quorundam saltem. Qui enim sub æquatore habitant, cū ipsis uterq; polus Horizonti incumbere videatur, nullas stellas perpetuæ occultationis agnoscunt, quin potius distinctis temporibus singulas stellas contemplari possunt.

Similiter si extremitates Zonarum frigidarum habitabiles essent, incolæ earundem pro Zenith polū alterutrum agnoscetes, nullas stellas, nisi semper ipsis conspicuas, unquam viderent.

CANON V. *Planetas in Globo cœlesti notare
& beneficio ejusdem cognoscere.*

Planetas dici, quod vagabundi in cœlo nobis appereant, supra dictum est, quia itaq; situm respectu sphaeræ Stellarum fixarum subinde mutant, instar aliarum fixarum Sphaeræ materiali, inscribi nequeunt. Notari tamen ad tempus in globo Cœlesti possunt, h. modò. Ex Ephemeridibus excerpantur Planetarum Longitudines & latitudines, ad meridiem ejus diei, quò observatio institui debet, & si Planeta veloci gaudeat motu, quod è loco sequenti meridiei adscripto, colligere in facili est, atq; Lunæ imprimis competit, pro parte proportionali agatur ita; Primò locò ponantur 24 Horæ, secundò motus Lunæ diurnus. (Nam ut ejus cognoscatur locus, hâc operatione imprimis opus est, cum reliquorum Planetarum loca, in hujusmodi Platica observatione, accuratius inquirere operæ pretium non sit) terriò Hora observationi destinata & à proximo

meridie numerata. Innotescet sine difficultate in quantum Luna tempore inter meridiem & horam datam intercepto, promota sit, quâ motus particulâ ad locum ejusd. in Ephemeridibus inventum additâ, innotescit Longitudo Lunæ, observationis tempore. Cæterum cognitis cujusvis Planetæ longitudine & latitudine, Globus tantisper eleuetur, ut per Zenith Eclipticæ polus transeat, atq; ita verticalis affigatur, qui simul erit circulus latitudinis; Quô peractô, si circulus verticalis ad gradum longitudinis cujusvis Planetæ cognitum, adjungatur, & in lamina ejusdem latitudinis gradus numerentur, nota item ad terminum latitudinis globo imprimatur, videbis quem locum observationis tempore inter fixas stellas quolibet Planeta occupet, unde ejus cognitio, Polô tamen pro latitudine loci prius elevatô, evadet facillima.

CANON VI. *Planetæ à fixis discernere.*

Et si per præcedentis problematis praxin, differentia illa certissimè

finè cognoscatur, ut ne verbulò quidem opus videatur amplius; attamen
 cum Ephemerides non semper præsto sunt, aliis ~~peritulis~~ ^{periculis} scèpius opus est.
 Enimvero tria sunt Stellarum fixarum propria, per quæ à Planetis illæ
 discerni possunt. Primū est *Scintillatio*, quæ aere rectè disposito, solis com-
 petit fixis, quamvis enim Planetæ non minus scintillent quandoq;, orien-
 tes scilicet, vel occidentes, aere impurò, manifesta tamen inter hos & illas
 hîc est disparitas, cum Planetarum apparens scintillatio diuturna non sit,
 atq; ob motionem Diaphani seu medii, aeris nimirum, fiat, non aliter ac
 sicuti nummus infundo aqvæ motu nutare videtur. Cæterum unde Fixa-
 rum Scintillatio, quæ iis propria est, proveniat, multum inter se Physici
 atq; Optici disputant; Alii causam referunt ad aerem, ut *Vissolio* L.X. prop.
 55. *Schick* in *Astrosc.* & *Scheinerus*, qui in *Disquis. Mathem.* num. 34, 35. Scin-
 tillationem ita describit: *Stellarum scintillatio* inquit, *est unica & sola spe-*
cierum in oculum delapsarum intercisio, facta ab irregulis vaporum, variè af-
fectorum, intercurfatione. Alii causam adscribunt oculo ad Longinqua tre-
 menta

menti & trepidanti, quæ *Aristotelis* fuit sententia itemq; *Cardani*. Alii quod Saturni & fixarum Sphæras non multum distare putent & sibi imaginari nequeant, quare Planetæ non scintillent, si priores obtineant causæ, & quare fixarum maximæ vehementissimè hoc *ωύδεις* afficiantur, causam in ipsis stellis quærunt; Neq; improbabilis est *Tychonis* (p. 404) conjectura, fixas videlicet Stellas circa propria centra perpetuo circumgyrari, atq; sic per motionem hanc appropriatam, in aere intermedio divaricationem aliquam spectantibus suggerere. Planetas autem, circa propria centra non revolutos, solummodo circulari motui, per circumferentiam, respectu certorum centrorum, intentos, hisce scintillationis accidentiis non esse obnoxios. Quod si alicui integra siderum vertigo minus videatur probabilis, per librationem eorum negotium hoc æqvè explicare poterit commodè. Sed quicquid sit de causa, certum est fixas scintillare. *Secundum* vero earundem proprium est invariabilis distantia, quam ad se invicem servant unde & fixæ dicuntur. *Tertium* deniq; distantia earundem à terra itidem

invariabilis, cum contra Planetæ aliquando magis, aliquando minus à terra elongati sint, quod ex inæquali quantitate, quâ apparent nobis, evidenter colligitur.

CAN. VII. *Planetas à se invicem discernere.*

Discrimen Planetarum, quod ex intuitu eorund. haberi potest, & de quo unicè hîc quæstio est, vel à lucis copia, vel à colore, & distantia apparente desumitur. *Solem* quidem & *Lunam* ignorat nemo, nisi cæcus. *Venus*, post luminaria, splendore suô candido & magnitudine apparente, ab aliis sui ordinis stellis, discernitur facile, itemq; quod semper vicina maneat Soli, ante eum vel Oriens, vel occidens, unde vel *Lueifer*, vel *Hesperus* vocatur. *Jupiter* quidē *Veneri* simillimus est, minor tamen apparet, & splendet minus, à sole item remotissimus apparet sæpè. *Mars* ut plurimum micat rubeus, à *Venere* & *Jove* parvitate, rubore & exilitate luminis, manifestò differens. *Saturnus*, Marti æqualis apparente quantitate est, cœterum

coloris plumbei, & si conjuncti sint, ad oculum Marte altior. *Mercurius* perpetuâ Solis vicinitate notabilis est, & quando apparet nobis, parvitate suâ & luce splendidiori â reliquis facile discernitur. Cœterum an Lumen istud, quod diversi coloris apparet nobis, Planetæ in se habeant, an â Sole, nostrum non est definire. Notamus tantum posteriorem sententiam post inventa perspicilla, Præstantissimos amplecti artifices, quibus Stellæ fixæ videntur Soles, Planetæ autem, ad unum omnes, Lunæ sive tellures. V. *Kepleri Astron. part. Optic. cap. VI. & ad Galil. Nunt. Sydereum.*

CAN. VIII. *Cometas â Planetis discernere.*

Apparere nonnunquam extra ordinem quasdam in cœlo faces, neminem latere potest, cum nō tantum Patrum nostrorum tempore, sed nostrō quoq; ævō hujusmodi ostenta in cœlo conspecta sint. Attamen cavendum est, ne fingamus miracula, & ordinaria cœli sidera inter portenta numeremus, uti nonnulli in Marte, Venere, Mercurio &c: hujusmodi errores commise-

miserunt, Præstat autem hîc Planetarum loca habere cognita, unde facile
 quæ insolita sint sidera cognoscere quis poterit. Ad hæc Cometæ omnes
 crines, caudam vel barbam aliquam aut in longum extendunt, aut circum
 se diffundunt, nisi prope Solis oppositum obambulent, ubi cauda illa sur-
 sum sublata, ab intuitu nostro avertitur, aut etiam in nimia à nobis absint
 distantia, quæ crinium subtilitatem, raritatemq; aspectui subducatur, quas
 causas absentia crinium allegat *Tycho* Prog. Lib. I. p. 400. Unde vero sit,
 quod criniti, vel caudati appareant Cometæ, non conveniunt Mathema-
 tici, & duodecim quidem opiniones allegat *Joh. Bapt. Ricciolus* Almag.
 Nov. T. I. part. 2. quibus ipse addit XIII. Nos opinamur veritati quam
 maxime litare opinionem hanc, quâ dicitur; Cometæ propriò carere lu-
 mine, & à Sole illuminari tantum, cœterum si quando caput Cometæ ra-
 dios solares non perfecte terminat, transmissos caudæ vel barbæ figuram
 exhibere; Quod autem à nonnullis additur, cometæ corpus constare
 ex quodam humidò denfiori quam est aer, dissolvi vero per radiorum so-

lariū vim, qua subinde aliquid de Cometæ materia aboleatur, vel dissipetur, quæ *Kepleri* in *Optic.* p. 266, *P. Crugeri* de Cometa anni 1618, & aliorum opinio est, nos asserere non audemus.

CAN. IX. *Stellas fixas extraordinarias cognoscere.*

Sicuti Cometæ, seu Stellæ extraordinariæ infra sphaeram octavam existentes, per figuras peculiare, quas habere solent, ab aliis Stellis facile discerni possunt, ita Stellæ extraordinariæ in octava sphaera apparentes, cum neq; crinitæ, neq; barbatae appareant, ab eo, qui Astrorum cognitionem habet, & quot stellæ ad asterismum requirantur, optimè novit, dijudicandæ sunt, nisi tantò splendeant fulgore, ut à quovis, etiam artis ignaro, miraculum subesse deprehendatur, quemadmodum de Nova Stella in Cassiopea testatur *Tycho*, quod ab initio omnes fixas stellæ, etiam primi honoris, adeoq; ipsam Caniculam & Lyræ magnitudine sua excefferit, & Veneris facem, cum telluri vicinior, ampliore vultu collucet, quam proximè amulata

lata fit. Unde denuò pater, quantà hoc Astrognosticum studium utilitate polleat. *Aristoteles* eqvidem, & nonnulli ejusdem affectu, opinati sunt Cometam omnino nullum ad sphæram octavam usq; ascendere, imo nec ad Planetarum orbes, cum intra cœlestis mundi terminos nihil novi, quod ipsi cœlo cœvum non sit, unqvàm prodire qveat, unde quæ videntur nobis Stellæ novæ, illi meteora, in aere vagabunda, dixerunt. At falsam fuisse persuasionem hanc, evidentissimum est, si comparemus invicem stellas extraordinarias & meteora; Illæ moventur regulari motu & æqualiter, hæc inæqualiter. Illæ in plurimis locis apparent simul, & eodem modò, hæc in paucissimis & in iisdem quoq; diversimodè. Illæ diu durant, hæc evanescunt statim; Illarum immanis à terra est distantia, hæc in infima aeris regione apparent, nec ascendunt altius, quam vapores è terra exhalantes. Breviter: Tantùm distant à stellis extraordinariis meteora, quantum supremum ab imo.

CAN. X. Planetarum, nec non Stellarum, quæ extra ordinem in cælo apparent, loca placitè cognoscere.

Ut loca Stellarū, quas erraticas vulgò vocant, cognoscamus exactè, prætiosis instrumentis opus est, hæc sunt reticula, quibus adhibitis totū cælū nobis in prædam patet. Structuram & usum eorundem penes Tychonem vide. Enimvero non cujusvis est, illa comparare sibi & portare secum. Præstabit itaq; secundum hancce facillimam methodum rem perficere. Adhibitō filō extensō, vel normā quādam; videatur, quodnam Stellarum fixarum par, quarum longitudines & latitudines cognitæ sunt, cum Erratica rectam exhibeat lineam, atq; mente in globo s. imagine ducatur linea; Deinde videatur annon cum alio fixarum pari Erratica eadem in una deprehendatur linea, cujus ductus denuò in Globo, vel imagine notetur. Ostendet enim mutua Linearum intersectio locum Cometæ in Globo vel imagine, unde ejus Longitudo & Latitudo, adhibitō Latitudinis circulo,

sine

sine difficultate inveniri possunt. Arithmetica hujus Canonis praxin apud Longom. in Appendice Astronom. Danicæ atq; alios vide.

CAN. XI. *An Luna motû propriô ad Solē accedat, an ab eodē recedat ê facie Lunæ corniculatæ cognoscere.*

Etsi perpetuò alteram medietatem corporis Lunaris, & quod excedit, Sol illuminet, quia tamen eadem visui nostro non semper obvertitur, varix nobis apparent Lunæ phases, & cum Luna crescens post Solem statim oriatur & occidat, atq; ideo dextrâ corporis sui parte â Sole absit propius, sequitur Lunæ crescentis cornua ad ortum semper extendi, decrescientis ad occasum, quod tunc sinistra, ut nobis apparet, Lunæ pars Soli propior sit. Unde *Schwenkerus* in Deliciis Physico Mathem. p. 320. sequens Eruditi Astronomi putat esse indicium, si solē inter duas Lunas depingat hōc modō ☽ ○ ☾ imperiti autem, si sequentem adhibeat figurarū sitū ☾ ○ ☽. Extrat de hoc negotio versus memorialis in nostro hēmisperio tantū valorem suum obtinens,

Dextra cabum Veteris complebit, Laeva recentis,

Hoc atas Luna noscitur indicio.

**CAN. XII. *Polos mundi & Ecliptica nobis elevatos
in cælo stellato concipere.***

De polo mundi atq; æqvatoris dictum est antea, uti is parùm â stella polari distet, atq; eidem quotannis propior fiat ; Polus Eclipticæ beneficiò Stellæ cujusdam in Dracone, notatu facilis est, vocatur eadem in abaco *Tychonico*, Polo Zodiaci proxima, latitudinem habens 87 0 ferè, apud *Bay-erum* Duarum polo Zodiaci proximarum antecedens dicitur, & ab omnibus pro stella quartæ magnitudinis habetur.

**CAN. XIII. *Ductum Circuli medii diei, s. Lineam meridianam in
quovis loco, extra sphaera parallela positum sito, invenire.***

Hæc prima artificum cura est, quoties observationibus astrorum suam impendunt operam, ejusdè ergo hoc locò facienda erat mentio. Enimve-

ro multorū persuasio est, acum magneticā monstrare utrumq; polū & per eosdem ducendam medii diei lineam. At falsissimā hanc esse hypothesin, quotidia docet experientia. Quamvis n. in Insula Corvi, Flores, Maji, Messianæ ad Charybdim, Melitæ, Viennæ Austriæ, itemq; alibi omnino nō, vel parū declinet acus magnetica, alibi tamen à meridiana linea non parum distat, sive ortum Versus, quo casu Græcissare, sive occasum, quo Magistrissare dicitur; Promittit *Ricciolus* prolixum declinationis Magneticæ indicē in Libro Geographico, quarundam tamen indicat conditionem in *Almag.* tom. I. part. I. p. 81. Accuratioꝝ Lineam Meridianam observandi methodꝝ hæc est; Ductis in plano, ad Horizontem parallelo, aliquot circularis, per duos digitos à se invicem distantibus, atq; in centro erectò gnomone observetur, quo in loco antemeridiano tempore, umbræ extremitas aliquem circularum tangat, quo item pomeridiano tempore, ex utroq; enim contactꝝ puncto, qui describuntur arcus, Lineæ bisectricis s. meridianæ ostendunt ductum.

CAN. XIV. *Transitum cuiusvis stellæ per meridianum & ejusdem Meridianam altitudinem observare.*

Adhibetur communiter in hoc negotio quadrans altitudinis, pinnacidiis instructus & Lineæ meridianæ insistent, vel eidem applicandus, quando n. c. g. Sol per foramen anterioris pinnacidiij radiat in foramen posterioris, vel Stella alia oculari intuitu, per crenas aut foramina comprehenditur, index five filum (prout instrumentum vel fixum, vel mobile est); indicat quæsitam altitudinem. Notabis vero in Sole si accuratior requiratur observatio, parallaxis & refractionis rationem habendam esse. Nam Parallaxis Solem declivorem, quam oportet, nobis in superficie terræ constitutis, reddit, refractionis contra iusto altiore eundem apparere facit. De utraq; videatur *Tycho Progymn.* L.I.p.79. seqq.

CAN. XV. *Ductum Æquatoris in cælo stellato sibi imaginari.*

Uti Solis vestigia quæ X Martii Die vel XIII Septembris describit, æ-

qua-

qvatoris ostendant ductum, supra monuimus. Noctu non minus idem cæ-
 li circulus, mentis ope, duci poterit, observatis Stellis, ab æqvatore parum
 declinātibus. Declinant a. ab æqvatore parum: Nodus Lini Piscium, Bal-
 thei Orionis secunda, qvæ in flexura prima hydræ sunt, item qvæ in collo
 virunculi, qvæ in Aqvarii humero, qvem sequentem vocant, deniq; qvæ
 in pisce meridionali apparent, &c:

CAN. XVI. *Ductum Eclipticæ in cælo Stellato sibi imaginari.*

Uti id interdiu, observatō solis motū annuō sine difficultate fieri qve-
 at, superius dictum est; nocturnō tempore per stellas, exiguam habentes
 latitudinem, æqvè feliciter hoc negotium peragi poterit, si observetur, ab
 Ecliptica parum distare, qvæ in ventre conspicitur meridionalis Gemini:
 qvæ in pede præcedentis Gemini, Asellum australem, Regulum s. Cor. Leo-
 nis, Spicam Virginis, Lancem austrinam, supremam in fronte Scorpii, qvæ
 in capite sunt Sagittarii, in effusione aqvæ, altera &c:

CAN.

CAN. XVII. *Elevationem poli in quovis loco Globi terreni & elevationem Æquatoris intuitû cæli stellati vel Solis tantum cognoscere.*

Quamvis quæsito huic variis modis satisfieri queat, præstantissimi tamē sunt, qui seqvūtur. I. Observetur Stellæ cujusdam Æquatori vicinæ, cujus Declinatio cognita est, altitudo meridiana, patefacit eadem collata prius Declinatione meridionali per additionem, Septentrionali per subtractionem elevationem æquatoris, cujus complementū ad quadrantem est Latitudo Loci, ratione quantitatis cum Elevatione poli exactē conveniēs. (II) Observentur in eo terræ loco cujus Horizontis respectu constat alterutrū polorū elevatum esse, alterū depressum, Stellæ circumpolaris altitudines maxima & minima, Instrumento Lineæ Meridianæ imposito. Deinde altitudo maxima à minima subtrahatur, Semisis enim differentia, minimæ altitudi observatæ, addita, vel à maxima subtracta, ostendit Elevationem

poli quæsitam in eo terræ loco, quo observatio instituta est. III. Per observatā Solis meridianam altitudinem eidem problemati satisfieri poterit, si locus Solis, quem is tempore meridiano quo instituitur observatio obtinet prius cognitus sit; Declinatio enim solis cum altitudine observata si conferatur, addendo sibi invicem utriusq; numeros pro Declinatione Meridionali, vel eosdem à se invicē subtrahendo pro Declinatione Septentrionali, ex aggregato vel residuo innotescit altitudo s. elevatio æquatoris, cuius complementum ad quadrantem est Elevatio poli quæsitæ, uti antea dictum est IV. Die æquinoctiali observetur eadem Solis. altitudo meridianæ, erit n. tanta, quanta est elevatio æquatoris. V. Sine ullo calculo elevatio poli in globo materiali, elevationi poli in globo cœlesti cōformis fiet, si altitudo Stellæ observata in meridiano numeretur, atq; globus in crenis Horizontis tamdiu elevetur, vel deprimatur, usq; dum distantia stellæ ab Horizonte in Meridiano numerata, altitudini observatæ respondeat, innotescet enim hoc modò sine omni difficultate utraq; Poli & æquatoris, eleva-

elevatio. Notandum tamen observationes Solares paralaxi & refractioni esse obnoxias, unde altitudines observatæ prius limitandæ sunt & tabulis, quas Tycho p. 79. & 80 exhibet.

CAN. XIIX. *Longitudinem loci cuiusvis in globo terreno intuitu corporum cælestium, rimari.*

Longitudinem vocant Geographi, arcum Æqvatoris, inter meridianum primum s. occidentalissimum & loci propositi interceptam, pro qua invenienda opus est, ut observatores duo de observando Stellæ per meridianum transitu vel Eclipseos Lunaribus tempore conveniant, quorum alter eo in loco observationes suas instituat, cujus longitudo data est, alter eo in loco cujus longitudo quaeritur. Qui n. citius transitum stellæ per meridianum suum observabit, ejusdem locus orientior erit, qui tardius versus occidentem habitabit. Cæterum 4/. differentia in tempore dat unius gradus differentiam in Æqvatore, unde differentia temporis in gradus & minuta æqvatoris

toris conversa & si Locus cujus longitudo quæritur, fuerit orientaliore longitudo Loci cogniti addita, secus subtracta, manifestat longitudinem loci quæsitam. **CAN. XIIX.** *Ex intuitu stellarum tempus colligere seu horam noctis vel diei.*

Ut taceamus de operosa per calculum & tabulis instituendum methodo, beneficiò globi artificialis, cœlesti conformis, ex intuitu cœli stellati tempus cognoscitur, (I) Si videatur, quænam Stellæ non procul ab ortu vel occasu conspiciantur, iisdem n. ad Horizontem artificialis sphaeræ adductis, index horarius Horam indicabit. (II) Si altitudo Stellæ cujusdam, vel etiam Solis ipsius, diurno tempore, cognita sit, volvatur globus usque; dum in quadrante altitudinis gradus observatus respondeat, Index enim horarius denuo Horam indicabit. (III) Denique; si duæ stellæ in eadem perpendiculari linea appareant, vertatur globus cum verticali hac illac, donec duæ istæ Stellæ simul verticalem stringant, siquidem index horarius, uti antea, tempus observationis, seu quæsitum patefaciet.

*Atq; hac sunt LECTOR BENEVOLE me letemata, quæ in præ-
senti communicare Tibi placuit. Non dubito quin intelligas satis,
abundeq; non ideo me suscepisse operam hanc, ut Doctõribus Astro-
nomica scientiæ adjumento essem. Discipulis scripsi & cælum lu-
strandi ostendi methodum, iis quoq; non ingrata fore Syno-
psin hanc totus confido. Vale.*

LAUDATE Jehovah Sol & Luna, Laudate eum omnes Stella
Lucida. Laudate eum cæli cælorum, & aquæ quæ supra hoc
cælum sunt. Laudate nomen Jehovah, quæ ipsò præ-
cipiente illicò creata sunt. הללויה.



pa
ligas
ibus
S
ore Sp

omni
ve sup
ipio pr
7.









